

彊

識

編

彊識編目錄

寶應宋士瑞

第二

爾雅權輿始也 逢遘卽乖悟之段藉 歟息也 鞠穉也 訖念也 藹藹萋萋 佻佻羿羿愈遄急也 其葉荷 釋草蔣靡蕰冬 蘆莖無姑其實夷 樸枹者 倨牙騶虞古段藉通用 爾雅舊注 鄭樵爾雅注誤 爾雅邢疏有脫文 文選注引爾雅勝今本 方言補義

彊識編第二

寶應朱士端學

爾雅權輿始也

郭注引詩曰胡不承權輿邵氏正義云今本作不承權輿疑有闕字以文義求之當以郭氏所引爲舊書也士端按讀不承短言之爲不讀不承長言之卽胡不耳胡不二字皆發聲不字廣韻列十八尤讀甫鳩反古音魚虞模侯同部元周德清中原音韻凡從不之字如坏括等于尤侯平聲之陽切韻指南尤侯同爲流攝江氏周禮疑義舉要引惠士奇云論語邢疏小雅蓼蕭孔疏引周禮前疾皆作前侯侯猶胡也古侯與胡通据此胡不二字亦方音之轉讀者各有疾徐輕重長短之不同詩胡不遐

不二字每多連詞遐字又爲胡聲之轉

郭注爾雅婁引三家詩如釋親注引詩韋續子

京文選江賦注引薛君韓詩章句韋辭也此引胡不承權輿蓋魯詩漢石經魯詩殘碑何不日鼓瑟作胡不日鼓瑟滅氏拜經日記云魯詩多作胡鄭樵注爾雅亦引舊注作胡不承權輿

逢遯也卽夆悟之段稽

夆類篇引說文悟也爾雅曰夆夆擊曳也按夆字古與逢通爾雅釋詁逢逢遇遯也遯又與悟通類篇引說文夆悟也當是爾雅本文郭注云轉復相爲觸遯遯又與遁通釋言篇云遁寤也釋文遯音悟故知遯卽悟之音同段稽也類篇祇知爾雅訓夆爲擊而未考說文訓夆爲悟卽爾雅逢逢遇遯之本文

𪛗息也

按𪛗釋文云字林以爲𪛗孫本又作𪛗士端謂作𪛗是也𪛗卽
𪛗字之或體作𪛗者俗體字也說文𪛗從艸𪛗聲臣鉉等曰說
文無𪛗字當是𪛗字之省而聲不相近未詳据此則說文𪛗字
本當作𪛗與𪛗字連文易拔茅茹以其彙虞注彙古文作𪛗蓋
𪛗卽𪛗之本字又爲彙之段輅說文𪛗亦與𪛗字連文云𪛗太
息也𪛗或作𪛗是其證又耳部𪛗字與𪛗連文云𪛗或從𪛗臣
鉉等曰當從𪛗省義見𪛗字注鼎臣不知𪛗卽𪛗字故說解未
晰又𪛗卽古文貴字與𪛗左旁形亦相近說文之𪛗當作𪛗猶
爾雅之𪛗當作𪛗也釋文引字林以爲𪛗則𪛗爲本字𪛗爲俗

體可知龍龕手鑑耳部亦云麟卽瞶之俗體古凡從貴之字亦多從胃則賢爲瞶之俗體𪛗亦爲喟之俗體也惟廣韻始有𪛗太息也之文而按者因據以譌改爾雅正文耳

鞠釋也

釋言云鞠釋也按鞠與鞠通又與詢通釋言又云鞠究窮也邵氏爾雅正義云又通作鞠盤庚爾惟自鞠自苦士端謂毛詩管肅恐育鞠釋文鞠本亦作詢居六反窮也毛傳鞠窮也本爾雅文蜀石經毛詩作管肅恐鞠注疏本作鞠鞠與鞠通是孟蜀如張紹文等尙知有六書段韜者蜀本恐下無育字蓋從鄭義釋言鞠釋也鞠字本與育通鄭箋云管育育釋也是破鞠之段韜釋之下旣生旣育箋云生謂財業也育謂長老也旣有財業矣又旣長老矣孔氏正義訓管育云云以育得兩訓故釋言爲釋釋詁爲長以經有二育故辨之云管育者育釋也以下云旣生

謂財業正義又訓生謂財業云云以上云管年穉恐窮以生對
窮故爲財業是正義亦祇訓管育二字絕無訓育鞠二字之文
至言鞠之育疑衍蜀石經引鄭箋云管幼穉之時恐至老窮匱
語最明晰今注疏本乃云恐至長老窮匱誤多一長字亦轉寫
者涉毛傳長字而誤加不知毛傳訓育長也是統釋下文育字
亦用爾雅文後人誤綴於管育句下致生詰籀爾雅釋詩詞居
多故傳箋率本爾雅爲訓鄭箋訓管育爲穉本釋言鞠穉也之
文乃破鞠之段稽字訓旣育爲長本釋詁育長也之文乃用育
之本字鄭釋上下兩育字瞭如指掌据此則僞蜀作管育恐鞠
亦未嘗無訂正也

吳任臣十國春秋母昭裔性好藏書酷嗜古
文精經術嘗於雍都舊本九經命張德昭等

言之刻石于成都學官毛詩爲秘書郎張紹文寫

玩鄭箋特標出管育二字云穉也又

別於旣生旣育下育字訓長是鄭氏於恐下本無育鞠育字釋詞可知鞠又與鬻通周頌思文云帝命率育育通作鬻豳風鬻子之閔斯毛傳鬻穉也詩疏引郭氏音義云鞠一作毓是鞠又與毓通又通作粥豳風鬻子之閔斯或省作粥夏小正云粥者養也周禮秋官修閭氏與其國粥鄭注粥養也又爾雅釋詁云鞠養也方言云鞠養也釋言云穀鞠生也皆鞠與育通段爲訓也鞠又通鵠毛詩釋文結鞠爾雅作鵠鞠又通麴聶氏三禮圖云鞠衣后告桑之服色如鞠塵鞠塵不爲麴者古字通用也鞠又通菊說文訓菊爲蓬麥月令季秋云鞠有黃華逸周書時訓

解作菊鞠又與鞠鞠通爾雅釋草鞠治牆郭注今之秋華菊邵氏正義云說文云鞠日精也以秋華又云鞠治牆許君分日精治牆爲二郭以爲秋華菊則日精卽治牆士端謂說文鞠與鞠訓解絕不同郭云日精卽治牆非是攷本草名節華節菊聲之轉經典作菊作鞠皆鞠之段稽說文解特造字毛詩爾雅多段稽文說文訓鞠爲賜鞠育訓養子使作善引虞書曰教育子是訓釋訓養育爲本字鞠爲段稽字爾雅以鞠訓釋是段稽字說文引虞書教育子史記作教釋于是其證若爾雅訓育爲長是本字今舜典正義本作教胄子釋文引馬融云胄長也故育又訓長毓爲育之或體毛詩注疏本作育鞠鞠爲本字孟蜀作鞠

用稽字其作譌作弼則爲鞠之稽字生音稽音成字而展轉相通也又釋詁云育孟者艾正伯長也育訓長者之長孟者艾訓長老之長正伯訓官長之長數義每合詞以釋之爾雅正多此例亦有分詞以釋者如鞠釋也鞠生也育長也育養也或用本字或用稽字大抵就各經文釋之故曰爾雅本釋經之文用段稽爲多明乎段稽之怕毋破字釋之如鄭箋毛詩云育裨也正破其段稽鞠字用育之本字釋之是其例也

諗念部

按念字古音讀若壬說文念從心今聲與諗正諸蓋爾雅轉相訓之例或取意相近爲訓或取聲相同聲相近爲訓或取經典段藉字爲訓徃徃目一詞括數義一義包羣聲探之古音參以方言而悉合也諗念同聲古音列侵部

藹藹萋萋

按藹藹當作萋萋詩萋萋萋萋言梧桐生噍噍喈喈言鳳凰鳴爾雅於此句上下皆釋詩義郭注亦以梧桐鳳凰分解又上下已有藹藹濟濟此處不應藹藹疊出江氏古韵標準以詩萋字讀薄公反與下句雝雝爲韵李氏羣經識小謂詩萋雝萋喈乃足半句爲韵士端按爾雅釋詩詞不應改詩有韵之文以萋萋作藹藹乃是爾雅承上文藹藹濟濟之誤廣雅釋言篇亦以萋萋萋萋連文下別爲藹藹二字立解亦可作是經確證也說文艸部亦引作萋萋萋萋不云藹藹

佻佻釋釋愈還急也

按爾雅此文上下多用職韻急在緝韻蓋古音容相出入江氏
謂詩六月我是用急與飭服國韻疑是棘字或亟字士端按經
傳凡急棘二字古音通段者甚多漢桓寬鹽鐵論繇役第四十
九引詩獫狁孔熾我是用戒戒字亦與飭服國爲韻顧氏古音
表分一屋之半凡從服之字與怪職二韻同列支部顧氏詩本
音云戒字古音讀紀力反据此知作急者正與戒字讀紀力反
爲音同也陳氏毛詩古音考云戒音急鹽鐵論引詩我是用戒
今作急是其證又凡從急從棘從革從戒之字古音每互相通
轉爾雅釋言慄慄急也又屆極也詩檜風棘人檠檠兮讀詩記

引崔靈恩集注作慄人任氏小學鉤沈錄文選三國名臣贊注
引倉頡篇云革戒也大雅匪棘其欲箋棘急正義曰棘急釋言
文禮器引作匪革其猷注革急也正義曰革急釋言文釋文匪
革紀力反注同急也檀弓夫子之病革矣釋文革紀力反徐又
音極急也是革戒急棘古音皆以聲同相段禮疏引釋言爲革
急毛詩疏引釋言爲棘急今爾雅本作慄急也棘革慄皆訓急
竝以聲同爲訓孔氏正義引釋言棘革互異者蓋鄭氏先通韓
詩故注禮與箋詩不同疑韓詩作革毛詩作棘爾雅作慄注家
各就經文釋之正以慄與急棘古音皆同不必如江氏古韵標
準改詩作棘也顧氏云急字非韵亦未細審爾雅緝職二韵通

轉之文與戒急棘古音通段之例戴氏聲類表並文集皆云戒
備也義優於急不特於韻得也是戴氏亦未知古音戒急棘通
段之例盧氏毛詩音義考證云毛詩宐岸宐獄釋文引韓詩作
狂說文鼠鹽鐵論皆引作宐狂王氏詩考亦以韓詩作
狂以彼例此則鹽鐵論所引我是用戒當亦爲韓
詩卽例之棘人崔注作械人作械者竝韓詩也

其葉荷

初學記卷之二十七爾雅曰荷芙蕖其莖茄其葉荷按今爾雅作其葉蓮邵氏正義云釋文云眾家並無此句唯郭有然就郭本中或復脫此一句說文亦無蓮字以荷爲芙蕖葉唯詩疏引爾雅有其葉蓮三字士端謂當從說文以荷爲芙蕖葉是也初學記所引是唐時爾雅本正如讀法士端又按何假語之轉假與遐通遐又與何通文作其葉蓮者蓋因遐與何通卽因荷而轉寫誤於遐加什頭耳詩疏或涉誤本爾雅而譌

釋草牆靡藟冬

注門冬一名滿冬本草云土端按徐鍇說文繫傳牆下云臣鍇
按爾雅注藟冬一名滿冬今本草有天門冬麥門冬並無滿冬
之名士端謂鍇說非是藟門同音藟滿則聲之轉說文王部璫
王璫色也從王兩聲未之赤苗謂之藟言璫王色如之臣鍇曰
詩曰毳衣如璫謨奔切据此則讀藟者亦可讀爲滿也其讀爲
天門冬者長言之也若短言之則曰天冬又爲顛冬天顛聲亦
同楊氏丹鉛總錄云顛冬天門冬也劉熙釋名曰天豫司充冀
以舌腹言之天顛也青徐以舌頭言之天坦也畢氏釋名疏證
云說文天顛也是亦以舌頭言之者故天冬又爲顛冬也

蔭莖無姑其實夷

藝文類聚卷之八十八爾雅曰蔭莖無姑其實夷今爾雅本作
蔭隸釋引石經魯詩山有蔭正作蔭按此書義例凡引爾雅一
物而文不相連者有又曰以別之此節文義皆屬榆類故以蔭
莖無姑連文今本爾雅文不連者篇次倒耳又卷之九十一爾
雅曰鷹鵯鵯按今爾雅本作鷹鵯鵯郭注鵯當爲鵯字之誤
耳左傳作鵯鵯是按左傳作氏郭注引作是者古是氏通漢張遷碑云張是輔漢張是卽張氏也士
端謂左傳疏引樊光云來鵯鵯也春秋曰鵯鵯氏此書所引
鷹鵯鵯蓋鵯鵯卽鵯鵯一物二名今本爾雅誤脫鵯字無疑

樸枹者

按今本爾雅作樸注樸屬叢生者爲枹詩所謂棫樸枹櫟士端謂樸樸二字說文訓解絕不相同一從僕聲一從業聲經與多用樸鮮用樸樸行而樸廢矣說文樸訓棗爲正解樸訓本素經典多藉樸爲樸如詩棫樸今本爾雅棫樸心皆是樸之段藉字字書所存樸字原文祇爾雅棫樸心釋文作樸戴侗六書故引說文樸棗也龍龕手鑑引爾雅棫樸心屠隆篇海類篇樸棗也此外用段藉樸字居多爾雅棫樸枹皆曰雙聲疊韻爲訓古音同列魚部古枹與杼同任氏小學鉤沈引大般涅槃經卷十四音義云古文官書枹杼二字同體謂鼓椎也賈氏羣經音辨

枹擊鼓杖也音桴又桴擊鼓木也二字同訓又讀扶鳩反者聲轉入蕭部爾雅樸枹蓋亦呂音近轉相詁訓邵氏爾雅正義引方言樸聚也郭氏彼注云樸屬聚相著貌說文云樸棗也棗疑聚字之譌段氏說文注云釋木毛詩皆訓樸爲枹許君以爲棗名則褊矣兩家皆不衷許氏而段說尤爲未允古人故訓無取詞煩意複說文檄訓樸檄文已見前故於檄文申訓爲棗許書多有此例如枹字許但云擊鼓杖也不云枹叢木也說文是解特造字經典多段藉文且卽以樸訓叢木推之與棗亦自不異疑皆有刺之木小爾雅廣物云棘實謂之棗蓋竝束爲棘重束爲棗說文棗羊棗也從重束棘小棗叢生者從竝束易說卦云

其于木也爲堅多心虞翻云堅多心棗棘之屬翟氏四書考異
養其棘引齊民要術曰孟子嘗曰棘棗玉篇棘下引孟子云
棘棗藝文類聚述孟子養其棘棗阮氏肇經室一集釋心篇引
爾雅棘樸心謂詩疏引孫炎注云樸棘一名心此亦卽棘心有
刺之本又初學記引後秦趙整詠棗詩北園有一樹布葉坐重
陰外雖多棘刺內實懷赤心據此則樸爲有刺之木與棗棘無
殊許氏訓樸爲棗猶訓樸爲棘凡有刺之本皆訓棘生是樸與
棗本爲一類段氏以許說爲徧則固甚矣大抵經典樸樸二字
段藉不分後世據郭注毛傳但知樸訓叢生而不知樸本訓棗
棗亦叢生也唯王氏經義述聞力持許說謂許君所見本樸炮

者彙四字本在櫬梧之上與上文諸棗相連猶上文之杜赤棠
白者棠也大雅械樸爲芄芄械樸械白桮也樸棗也二木皆叢
生故類言之而毛傳乃曰櫬枹木也則是以櫬枹者三字連讀
矣孫郭皆云樸屬叢生者爲枹卽踵毛傳之誤此論可云卓識
謹卽先生之說而引伸之釋文引李氏采薪一名彙櫬孫引詩
云薪是獲薪薪一名彙櫬是彙櫬二字本屬連文謂卽彙之音
同段稽字蕭該漢書敘傳音義彙音謂故舍人本謂作彙說文
繫傳曰爾雅樸枹者注以詩械樸言枹櫬也爾雅釋木方訖諸
棗而連屬云樸枹者則注解者自然以此樸爲棗也士端桮舍
人云引上句櫬梧來合在此句以謂字作彙其文義蓋以櫬梧

一字空與橐櫛連文小徐所云正與舍人本合是小徐亦以櫛
枹者爲句今當依釋文繫傳訂爲櫛枹者櫛梧謂櫛采薪采薪
卽薪從舊說也白爾雅郭注詩毛傳訓櫛爲叢木而不知櫛爲
櫛之段稻亦不詳東與櫛枹皆爲叢生有刺之木訓棗訓叢生
其義一也解經者不察因誤移櫛枹者三字於櫛梧之下爲是
正之鄭樵注爾雅謂卽柞木蓋未確

倨牙騶虞古段藉通用

爾雅釋畜倨牙食虎豹臧氏拜經日記云曲阜孔氏以王會無
騶虞疑今本之脫周書央林函耳卽騶虞函與騶聲相近莊氏
葆琛云耳當爲牙卽吾字周書食虎豹三字當因上文茲白倨
牙食虎豹而誤衍戴氏云騶虞獸名不見於爾雅士端按爾雅
倨牙疑卽騶虞之段藉字古倨騶二聲同部觀顏濁鄒一作顏
濁聚可見騶虞騶牙騶吾古又通用釋文倨本亦作居同居譌爲倨
又譌爲鋸蓋古書爛簡按周書者誤以鋸牙食虎豹屬上茲白文按
爾雅者承襲其文據以移於駮如馬之下不知尙書大傳明云
之犬戎氏取美馬駮身朱鬣雞目者取九六焉之於陵氏取怪

獸大不辟虎狼閉尾倍其身名曰虞

注虞蓋騶虞也士端按騶虞騶吾騶牙居牙皆同音

通段其或云騶虞或云虞卽所謂語有輕重疾徐是也

大傳並不云駮馬倨牙亦無會虎

豹之文蓋因書傳云不辟虎狼遂譌爲會虎豹爾雅倨牙文上

下必有錯簡乃沿誤而莫之正也孔疏並以倨作鋸謂駮牙如

鋸故能會虎豹則又展轉致誤矣且卽以爾雅求之釋獸篇狻

麋如號貓會虎豹未必皆屬鋸牙何獨於駮而云倨牙乎斯不

然矣然毛詩六駮傳已引爾雅駮如馬倨牙會虎豹之文知其

沿誤已久唯鄭箋云山之櫟隰之駮皆其所宜有也正義引陸

璣疏云駮馬梓榆也下章云山有苞棣隰有樹檉皆山隰之木

相配不宜云獸士端按鄭氏亦不以毛引爾雅爲確故易傳則

倨牙非卽駁馬鄭氏已疑之矣及按正義引王肅云言六據所見而言也倨牙者蓋謂其牙倨曲也言山有木隰有獸喻國君宜有賢也蓋王肅自謂申毛其實難鄭毛傳引爾雅誤文乃王肅所加以難鄭是其故智非毛公之誤引也

爾雅舊注

按元應音義引爾雅古注爲郭本所軼邵氏正義亦有未引者
妙法蓮華經引爾雅白葢謂之苦李巡曰白葢編之以覆屋曰
苦之也又狂茅鴟舍人曰狂一名茅鴟喜食鼠大目也又蝮蛇
博三寸首大如擘孫炎曰江淮以南虺爲蝮有牙取毒者正法
華經引爾雅野曰鳧家曰鶩按此卽李巡注鳧家鴨名也鶩野
鴨名也大智度論引爾雅庇麻蔭也孫炎曰庇覆之廕也正法
念經引爾雅鰕大者鰕似鮎而大色白也按郭注亦作鰕似鮎
而大白色亦本孫炎說而文有小異耳四分律引爾雅小州曰
渚李巡曰四方有水獨高可處故曰渚皆可考爾雅舊注

鄭樵爾雅注誤

釋魚魚枕謂之丁魚腸謂之乙魚尾謂之丙鄭樵注云以本有此名故作文字者象其形而爲之此則爲實文也如十日之字乃因音借此目許氏妄以乙丙丁之字而取十日之義焉士端校鄭樵之說非也形似篆書非書象魚體許君解甲乙丙丁義本周易爾雅以許氏爲妄則周易爻辰爾雅歲陽亦爲妄乎乙象春艸木冤曲而出陰氣尙彊其出乙乙也與一同意乙承甲象人頸義不顯言魚也乾訓上出從乙乙物之達也乾陽出初震始亨之義也乾坤之後卽次以屯剛柔始交而難生萬物遏而蒙甲以出故爾雅曰旃蒙凡艸木之形皆從甲生中艸木初

生也象一出形單中則爲東爲才爲止爲木爲屯東從日在木
上才艸木之初從一上貫一一地也止象艸過中木從中下象
其根皆從中直形屯從中從一尾曲形雙中爲艸爲林三中爲
巽四中爲艸皆從中之直形正許氏所云其出一一與一同意
乾訓上出從二二是之義也丙位南方萬物成炳炳然陰氣初
起陽氣將虧從一入口一者陽也丙承一象人肩徐錯曰陽功
成入於口口門也天地陰陽之門也鄭氏易曰乾坤其易之門
戶也邪入坤出乾故爲門也丁夏時萬物皆丁實象形丁承丙
象人心日之行夏南從赤道長育萬物月爲之佐時萬物皆炳
然而強大離爲南方之卦位在五月離爲火心火藏也故云象

人心周伯琦說文字原曰凡造物必曰金木爲丁附箸之商爲
甲冑爲戈兵虞氏注外剛故爲甲乾爲首巽繩貫甲而在首上
故爲冑乾爲金商火斷乾燥而煉之故爲戈兵虞氏逸象亦云
商爲戎爲刀爲斧爲矢是也夏至一陰生半悟也五月陰氣午
逆陽冒地而出籀文半同丁之半形而以一橫亘之故爾雅在
丁曰強圉圉與悟聲義俱同然則丙丁爾雅以屬魚者一端
耳許君訓茂象六甲五龍相拘絞爲蛇象形坎上六鄭注爻
辰在巳巳爲蛇蛇之蟠屈似微纒也許氏亦兼物言之引申之
如甲爲東方之孟陽氣萌動從木戴孚甲之形與易云天三生
木于東時萬物皆解孚甲自抽軋而出其義正同月令曰春其

日甲乙解卦彖曰天地解而雷雨作雷雨作而百果草木皆甲
 宅皮甲甲根曰宅宅又與乇通坐穗上貫一下有根之象屯之
 半形壬位北方也陰極陽生故易曰龍戰于野戰者接也方不
 順忽出也從倒子易曰突如其來如不孝子突出不容于內也
 方卽突字烹或從倒古文子鄭虞易皆作烹寅贍也正月陰氣
 動去黃泉欲上出陰尚彊象山不遑贍寅于下也古寅與寅通
 周易鄭氏拔茅茹以其黃征釋文董云寅出也鄭云勤也士端
 以許氏贍寅推之鄭注勤字當作斬字校者以形聲近而轉寫
 之譌卯象開門之形故二月爲天門辰震也三月陽氣動雷雷
 振民農時也卯爲秋門萬物已入一閉門象也皆與易義相發

明又如辛舉也癸冬時水土平可揆度也申爲吏臣聽事酉就也八月黍成可爲酎酒敘稱博問通人作說文解字六藝羣書之詁皆訓其意所謂近取諸身遠取諸物詎可以一耑罄也郭注謂形似篆書刑說謂骨形似篆書丁字故因謂之丁腸似篆書乙字尾似篆書丙字亦因名之也据此知魚枕魚腸魚尾取義於篆書非造字者取象于魚枕魚腸魚尾也又字書解丁字亦不耑謂魚枕或云丁蠶尾也或云蠶尾之毒也莊子丁子有尾是凡尾通謂之丁竊謂蝌蚪古文原取象形六書之指衍以聲音通諸段藉十日之說見於爾雅不始許書鄭樵以許氏爲妄甚矣其偵也

爾雅邢疏有脫文

文選蜀都賦軌躅八達注爾雅曰八達謂之崇期孫炎曰崇多也多道會期於此按此條邢疏未引邢氏於此節多引孫炎解如劇旁下引孫炎云旁出歧多故曰劇康莊下引孫炎云康樂也交會來道也莊盛也道煩盛與文選注所引相類獨於崇期下不引何也爾雅序云錯綜樊孫疏謂交錯樊光孫炎二家之注取其理長者用之又邢氏序云其爲注者健爲文學劉歆樊光李巡孫炎雖各名家猶未詳備唯東晉郭景純注解方畢其爲義疏者則俗閒孫炎高璉皆淺近俗儒不經師匠按此是又一孫炎今文選注所引孫炎文義與邢疏相類則非俗閒之孫

炎可知何獨用劇翳康莊之說而或遺崇期云云乎斯不然矣
蓋邢氏脫漏也又初學記卷之二爾雅蟋蟀蜚蜚劉劭注謂蚶蜻
也孫炎注梁國謂之蜚邢疏俱失引又卷之二十九爾雅孫炎
曰蜚五色具蜚宮中小青蜚也蜚馬蜚蜚取大者也按邢疏俱
失引邵氏正義止引蜚五色具其蜚與蜚二解亦未引

文選注引爾雅勝今本

謝靈運詩連山疊嶽嶠注爾雅曰山正鄣按今爾雅本作上正章者疑是釋邱上正章邱重出之文此注所引山正鄣較是班孟堅荅賓戲欲從整敦而度高乎泰山注應劭曰爾雅曰前高整邱整音旄今爾雅本作旄按整旄古同音通用

方言補義

悛懌改也自山而東或曰悛或曰懌注論語曰悅而不懌按懌亦訓改今本論語作釋蓋亦以同聲通段方言別有釋字云紕釋督雉理也秦晉之間曰紕凡物曰督之絲曰繹之注言解釋也

紕釋督雉理也按左傳疏云雉聲近夷夷爲平周禮雉氏釋文云雉或作雉注故書雉或作夷鄭司農云春秋傳曰如農夫之務去草芟夷蘊崇之俗間謂麥下爲夷下言芟夷其麥以其下種禾豆也後鄭謂雉讀如髴小兒頭之髴謂次弟除之故從弟說文缺古文雉段氏云弟聲弟韋束之次弟也髴爵之次弟也

又鵠或作鵠易夷于左股禮疏引作睇于左股詩齊詩鄭箋云
古文尚書弟爲圉孔書作曰驛說文作曰圉賈逵古文同異云
古文作悌今文爲圉士端按弟有夷聲與圉係一聲之轉据此
知古音雉與弟通弟與圉通圉與繹通故雉繹皆得訓理理訓
治玉白孔六帖卷四十引書制治于未亂作制理于未亂又理
正也易曰正其本萬物理失之毫釐繆以千里中庸文理密察
足以有別也樂記樂者通論理者也鄭注理分也管子別交正
分之謂理先鄭訓夷後鄭讀繫皆通於治也分也別也之義爾
雅釋詁亦以雉與繹連文廣雅紕督雉理也

雞陳楚宋魏之間謂之鷓鴣按鷓鴣二字正切雞字亦所謂合

聲是也

迹迹屑屑不安也江沅之間謂之迹迹秦晉謂之屑屑或謂之塞塞或謂之省省按迹迹屑屑塞塞省省竝疊字之轉

忸怩慙蹢也楚郢江湘之間謂之忸怩或謂之蹢忸按忸怩蹢忸蹢忸雙聲之轉又蚨蚨蚨蚨亦雙聲之轉

春黍謂之蜚蜚

音思祖尺又名蜚

蜚蜚

即取二音

謂之蚨蚨按竝雙

聲之轉蚨蚨蚨蚨則又雙聲兼疊韻之轉也

儒輸愚也按古人每以疊韻切字儒輸二字正切愚字說文鈴令丁也令丁正切鈴字古音青青同列耕部令丁亦疊韻字注云儒輸猶儒撰也儒輸儒撰竝疊韻之轉儒讀讓犬反撰讀士

冤反古注每以疊韵字轉相詁訓是其例也以上諸條爾雅正

夢增增速速蹙蹙疊字之轉也釋言斯諺離也多此類如釋訓

斯諺二字正切離字釋鳥鵲鵲皆雙聲兼疊韵釋蟲次

鼃鼃古音尤虞二部容有出入釋文云鼃本或作鼃郭音秋鼃

鼃即次鼃二字之轉音釋魚鼃鼃蟾諸釋文鼃亦音秋是其證

間謂之鼃鼃自關而東趙魏之郊或謂之蟪蟪蟪蟪者侏儒語

之轉也北燕朝鮮洌水之間謂之蟪蟪蟪蟪此蟪蟪蟪蟪者侏儒語

蟪蟪蟪蟪即雙切鼃蟪二字所謂合聲也鼃為次之轉聲注云

今江東呼蟪蟪蟪蟪亦鼃之轉也釋草苗蔣釋文苗郭他六反又

徒的反說文云從由聲蔣顧他迪反又蔣蔣士端按蔣亦音徒

的反釋訓條條秩秩條秩並疊字之轉釋文舍人本條條作攸

攸漢書敘傳引易其欲逐逐攸攸是條攸皆可讀徒的反之

證據此苗蔣即蔣蔣皆以雙聲兼疊韵轉相詁訓釋草本文蔣

苗誤分為二釋文承其誤乃於蔣下音他彫反不知蔣有苗音

凡經典譌誤之字亦以聲同聲近廣韵二十三錫蔣苗同列蔣

下蔣字列述下玉篇三字並列亦取轉相詁訓惟以蔣為他蔣

切則亦誤耳是蔣與苗蔣本一物也又草蔣其大者蔣凡古人

揆又草名蔡葵終南進士爲鍾馗詩施于中達韓詩作中馗又
茵名中馗隋有李鍾葵造象又詩周道倭遲韓詩作威夷又委
蛇或作委佗漢衡方碑作禕隋皆委蛇之轉洪氏容齋五筆委
蛇之字凡十二變一日委蛇詩委蛇委蛇二日委佗詩委佗
佗三日透迤說文作透迤四日倭遲詩周道倭遲五日倭夷韓
詩六日威夷潘岳詩峻阪路委蛇李善注引韓詩周道威夷七
日委移離騷經戴雲旗之委蛇一本作透迤一本作委移八日
委移劉向九歎遵江曲之透移九日透蛇後漢費鳳碑君有透
蛇之節十日蛟蛇張衡西京賦聲清暢而蛟蛇十一日透迤漢
逢盛碑當透迤池立號建基十二日威遲劉夢得詩柳動御溝
清威遲堤上行韓公南海廟碑蛟蛇蛟蛇亦然也吳氏金石存
跋漢衡方碑云容齋五筆言委蛇字凡十二變今此碑又作禕
隋唐扶碑作透迤劉熊碑作委迤枚乘兔園賦作委移廣韻賦
庚險也文選薛注周道威夷險也則威夷亦委蛇之別體而字
書尚有蛟蛇池池臨之異此二字固不止十二變洪氏尚考
之未盡也士端按漢書引魯詩周道郁夷尚書宅嵎夷尚書考
重耀及史記作禹錫爾雅西陵威夷釋獸云威夷長脊而泥列
子黃帝篇云吾與之虛而猶移張湛注委移至順之兒莊子作
委移詩考引漢書得衡衡門晁公武郡齋讀書志載韓詩外傳
十卷晁注云其及經蓋寡而遺說往往見於他書如透迤郁夷

之類其義與毛詩不同臧琳經義雜記列漢書地理志郁夷下
引詩周道郁夷臧氏以爲魯詩又按荀子非十二子弟作其冠
神禪其容注弟作其冠未詳神禪當爲冲澹其言浩落也謝氏
校云弟本或作弟集韻音徒回反莊子應帝王篇有弟靡此弟
作義當近之士端按弟作二字卽詩委作逵蛇之異文聲俱相
同凡此皆委蛇之轉洪氏吳氏猶考之未盡也更卽其義而引
申之禮曰威儀草名葳蕤蟲名虺蜴史記張釋之曰秦凌遲而
至於二世漢書作陵夷至於二世墨子人名曰推哆古多祇同
聲又推哆或爲雅侈見古今人表雅侈亦推哆之轉聲又轉語
爲綺難荷那綺旋綺靡邈邈又法言升東嶽而知眾山之崿崿
崿崿又邈邈之轉又轉而爲麗爾徐鍇說文繫傳麗爾猶靡麗
也又漢書司馬相如上林賦荷從風郭璞曰荷梔猶阿那也
大人賦又荷梔以招搖駕應龍象輿之螭略委麗兮踳躅轔轔
容以敬麗兮楊雄甘泉賦紛被麗其亾鄂師古曰被麗又音披
離封巒石闕施靡乎延屬皆
取雙聲疊韻之字展轉相通

凡以驢馬駝駝載物者謂之負佗

音大古音大字亦讀湯果反
方言館軟鍊籍也南楚曰軟

趙魏之間曰鍊軟軟正音
大疎音束鐫音度果反

亦謂之賀

漢書趙充國傳以一馬自
佗負畜產戴負者皆爲佗

此正方音轉語兩字切一字之例又唐淤泥寺心經菩提娑婆訶作娑婆賀此由喉音之轉也大抵五方轉語由于聲音知此可以推經典古文之通段與文字轉寫之譌錯

膊兄也荆楊之鄙謂之膊桂林之中謂之盞注皆意義所未詳士端校兄字當是兕字形聲俱相近而轉寫之譌廣韵兕惡也

說文訥或作說膊盞卽膊曬之轉語方言第七己云膊曬晞暴也東齊及秦之西鄙言相暴僂爲膊燕之外郊朝鮮洌水之間凡暴肉發人之私披牛羊之五藏謂之膊暴五穀之類秦晉之

間謂之曬東齊北燕海岱之郊謂之晞

按此暴字有數義暴僂爲膊謂暴磔惡事披牛

羊五藏與剥通暴五穀與曝通顏氏家訓云字書暴曬之暴與暴疾之暴略相似惟下少有異後人專輒加傍日介三輔黃圖

暴室主按庭微作染練之署謂之暴室取暴曬爲名因通名爲暴羣經音辨暴時也暴急刻也是其證方言益卽一字而合詞以釋數事耳爾雅廣雅正多此例 據此知暴卽兇也前釋暴爲膊此釋兇亦爲膊蓋與曬音同說文曬從日麗聲凡𪔐曬偏旁近似之文竝音麗方言參𪔐分也盛陳楚宋衛之間或謂之簞注𪔐音麗𪔐或謂之𪔐𪔐音麗又𪔐𪔐音儷據此膊𪔐卽膊曬之轉語以彼證此音義竝同

彙識編目錄

寶應朱士端學

第三

說文吏字考 說文鞠爲本字 說文蘊蘊與蘊蘊不同

義 正段氏改說文蘊蘊爲蘊蘊之失 說文屬字考

說文習爲古文爰辨 說文肥字考 說文匿字考 說

文引尙書𠂔𠂔當爲𠂔𠂔解 說文豐字考增坊制 說文

釋尙書大麓 說文曳字考 阮氏論仁補義 阮氏釋

心補義 說文用韓詩 說文憐恤二字考 說文引尙

書古文 許叔重不用緯書 玉篇龔字誤解 廣韻引

說文誤 類篇引說文誤 古文方圓二字象形說 釋

釋

石臞先生注說文軼語

彙識編第三

寶應朱士端學

說文𠂔字考

𠂔從一從𠂔𠂔亦聲𠂔從又持中中正也𠂔亦從𠂔𠂔省聲
古文𠂔從𠂔不省考隸韻隸辨等書𠂔𠂔𠂔皆省作𠂔𠂔𠂔而
許書從𠂔從又聲義俱晦薛氏款識列商父乙鼎友史文作𠂔
𠂔𠂔𠂔𠂔文作𠂔周盥和鐘事文作𠂔董氏函廣川書跋云𠂔
或釋作𠂔王氏經義述聞曰周禮條狼氏誓邦之大史曰殺小
史曰墨二𠂔字皆古文事之誤古文之𠂔脫去上半則爲𠂔矣
据此𠂔𠂔兩字經典或致互譌校者考古文而篆𠂔篆而隸審
其形聲得其義例庶或近之漢書百官公卿表顏師古注𠂔理

也士端按說文尋繹理也又寸分理之也師古所訓不失從又古義

外孫徐清微字子瀟號葵莊校字

說文鞠爲本字

按許書鞠訓日精以秋華爲本字禮月令鞠有黃華逸周書時訓解作菊鞠爲踴鞠菊爲蓮麥皆鞠之段藉字也鞠从艸鞠省聲或省从執又鞠訓治牆从艸鞠聲二字絕不同爾雅釋草鞠治牆郭注今之秋華菊邵氏正義云郭以爲秋華菊則日精卽爲治牆故爾雅圖讀云菊爲日精布華元月是也愚謂許書鞠鞠各分二義邵氏所引亦沿郭注之誤

說文鹽鹽與鹽鹽不同義

按許書艸部菹訓酢菜或作鹽鹽皆從艸從皿血部鹽訓醢或作鹽皆從血兩部義絕不同經典每多段藉通用解經者當破其段藉釋之如內則云或曰麋鹿魚爲菹鄭注云此軒辟雞宛脾皆菹類也柔之以醢殺腥肉及其氣今益州有鹿矮近由此爲之矣正義曰此明鹽菹之異用肉不同此麋鹿爲菹及野豕爲軒是菹也麋爲辟雞兔爲宛脾是鹽也愚謂麋鹿魚爲菹菹當爲鹽之段藉許君訓鹽爲醢故列血部說文醢肉醬也爾雅肉謂之醢上文云肉腥則麋鹿魚爲菹是肉醢非酢菜明甚內則正義分別菹鹽爲大小是鹽菹同類鹽乃菹之轉聲又爲辟

雞宛脾之合聲齏菹本義皆曰酢菜爲訓內則用以作肉醢則
齏菹爲菹之段藉無疑講家不審段藉之文致生疑義廣雅釋
器齏醢菹也菹爲菹之變體此正酢菜之菹廣雅疏證云說文
菹酢菜也或作菹菹又云菹醢也或作菹字並與菹同此似曰
菹涵菹矣又廣雅釋器菹謂之菹菹卽胥之變體北堂書鈔引
廣雅胥縣孰也胥爲烝之段藉許書烝訓火气上行縣孰之法
卽古所謂烝也菹又爲菹之變體廣雅菹菹卽許書肉醢之菹
與酢菜之菹迥異故廣雅又別出酢菜一條云整醢菹也疏證
又云菹菹爲以肉爲菹是誤醢爲菹矣經傳段藉字多講家於
菹菹一事不體會許君之訓毋於通段不破字讀之許君曰酢

菜之菹或體蘓蘓列艸部明其爲酢菜也呂肉醢之蘓蘓列
血部明其爲血肉之類列血部也廣雅用變體字雖多實與許
君蘓蘓分艸血二部體例不紊又周官醢人云七菹三醢菹亦
常爲蘓之段藉若非菹醢醢菹讀如本字非菹主菜醢醢主肉

正段氏改說文蘊蘊二篆爲蘊蘊之失

按艸部蘊蘊二文本爲沮之或體訓酢某故從艸血部蘊訓醢
醢訓內醬蘊爲蘊之或體故從血二部義例迥別段氏改蘊蘊
二篆爲蘊蘊謬妄極矣鈕氏樹玉段注訂謂玉篇艸部無此二
字曲爲之說不知玉篇部分與說文乖侑者多矣段注之謬改
終不可原也

說文詁字考

友人謂段氏說文注云字不从又从口𠂔聲足矣。不當兼从又聲。又在一部非聲也。士端按从又非聲。从又獨非意乎。段氏改許書婁矣。此文當作𠂔誰也。从口又𠂔聲。𠂔古文𠂔。乃寫書者偶倒𠂔字于又上。遂作又聲。段氏改作从口𠂔聲。刪去又字。失許書本指矣。𠂔許書義例訂之。如寸部𠂔釋理也。从工从口从又。从寸。工口亂也。又寸分理之也。𠂔聲。義例與此正同。爾雅𠂔孰誰也。許書誰訓何。釋名誰相也。有所擇言不能一也。𠂔下繫傳云問爲誰也。尙書曰𠂔若予采。史記作誰可順事者。据此𠂔誰卽有分別治理之意。口有所擇言不能一。必分理之也。許書

可枚舉皆於从某某聲連引古文籀文此獨於从口𠂔下蒼
聲字再引古文籀文語氣隔閡許書無此義例是爲从口又𠂔
聲無疑其證二也許君部分謹嚴口部𠂔訓誰从口問也从又
分理之也其口部𠂔爲詞也引虞書帝曰𠂔咨是𠂔與𠂔義例
迥殊小徐於𠂔下補引尙書𠂔若予采史記作誰可順此事遷
書彙目訓詁代經許君傳古文尙書是西京古文𠂔𠂔皆如此
訓解僞孔併从隸變通段作疇而許書𠂔𠂔二字晦矣賴有許
書口部二部分明而口部又賴有小徐補引尙書與許君口部
義例正合小徐本實勝大徐遠甚段欲刪去又字已不知𠂔爲
𠂔之省文並不審許書𠂔字與𠂔字絕不同今世隸變壽字尙

有从口从又遺意則許書从口从又益信原文又聲二字雖係
 版本倒置猶有義例可憑一幾千鈞其證三也凡經傳粵古文
 而篆粵篆而隸乖舛實多然小篆或有與古文不悖古文多段
 藉往往一字數用一音數轉古文𠂔𠂔𠂔𠂔四形皆从老消小
 篆則口也老各歸部分呂古文按之如商丁亥父乙尊作𠂔又
 形在中消聲不消形周牧𠂔作𠂔从反又在左兄𠂔𠂔作𠂔从
 反又在右陳逆𠂔作𠂔从豎又在左更兼古文𠂔形齊侯鐘
 作𠂔上變老从𠂔消𠂔从𠂔𠂔亦从又藉其意也形聲俱不消
 京叔簠作𠂔从反又消口高克尊作𠂔上藉又字之意下反又
 字之形形聲俱消古文與老部皆通而从口从又可意若謂从

口不必从又。何自古文从口。从又見于彝鼎甚多。此言君壽字所根據也。漢隸雖屬變體。如漢長壽半鉤作壽。延年益壽鏡作壽。又延年益壽瓦作壽。青蓋鏡作壽。从又。或从寸。字畫顯然。其證四也。周孟姜匜作壽。王子申盤蓋作壽。齊侯罇鐘作壽。卽仲觶作壽。卽仲奩作壽。楚良臣余義鐘鑄作壽。此爲壽之正形。若商鐘四作𠂔。乃𠂔下从𠂔之古文。𠂔與𠂔同。𠂔鼻也。𠂔卽鼻之省。玉篇白下竝列𠂔字。云古文愚。按顧野王所立部分已不合于許書。𠂔當爲𠂔之古文。玉篇不立𠂔部。而𠂔𠂔字涵于白字之下。使不有小篆與古文合參。而商鐘𠂔字幾不識爲古文𠂔字。此亦古文通假𠂔字作壽。而又爲𠂔之省文。古莫古于此文。

矣。又肇父鼓作𣪠，異公匜作𣪠，則更从𣪠之渚。此許君𣪠咨之
𣪠所根據也。周樂司徒肉作𣪠，龍鼓作𣪠，魯正叔鯀作𣪠，楚公
鐘作𣪠，从口渚，又从反𣪠聲。周公𣪠鐘作𣪠，伯據鼓作𣪠，鄧公
子鼓作𣪠，豐姑鼓作𣪠，惟此文爲𣪠渚𣪠之正形。叔夜鼎作𣪠，
番君鼎作𣪠，皆古文从渚。此許君凡偏旁𣪠渚作𣪠所依据也。
瑁、搗、𣪠、𣪠等字皆从𣪠得聲，皆从𣪠渚。講家曰：說文無𣪠字，輒
改許書，不知許書凡偏旁渚段之文，如𣪠爲𣪠之，或體尋卽尋
之渚文，又尋从尋聲。許書有尋無尋，又由爲𣪠之渚。劉爲鏞之
渚，由劉二字許書正文卽不收，閒或列于偏旁，如劉軸字亦从
渚文得聲，其證五也。考古鐘鼎从老渚文居多，小篆故於𣪠字。

从老消者別立老部从老形兼意从𠂔卽𠂔之消文爲聲故
𠂔𠂔𠂔𠂔𠂔𠂔等字皆从此得聲此許君老部𠂔所根據
也竊意鐘鼎古文从老訓久者爲最先古人字少皆消段通用
後迺形聲相生許君於尙書𠂔𠂔二文一列口部訓誰一列𠂔
部訓詞詞言之氣从鼻出與口相助故𠂔字从口又亦取相助
𠂔分理之皆援据古文非臆造也古文又消作𠂔者如周召仲
考父壺作𠂔孟姜鼓作𠂔邢鼓作𠂔張仲簠作𠂔陸亮伯其父
簠作𠂔宗周鐘作𠂔號姜鼓作𠂔邢遺鼓作𠂔遲簠作𠂔齊
侯鍾鐘鐙作𠂔許書禮或消作𠂔籀文作𠂔或作𠂔又師
旦鼎作𠂔長生鼓作𠂔或更从𠂔消此許君从𠂔所根據也其

證六也。曷字幸有小徐引書可證。近世儒者張氏惠言、丁氏杰按周易疇離祉，鄭康成注作曷誰也。本許義。江氏聲尚書△注音延謂曷咨詞也。曷若予采。史記日誰字代之。依誰訓日求說文之字，則當作曷也。曷誰曷咨。古書各有義訓。說文不爽毫釐。偽孔皆假藉田疇之疇爲之非也。汗簡口部作𠵽。蓋誤又爲𠵽。然詳其誤處轉可考正。如段說則去其籍矣。又按六書故改曷作曷。後儒紛紛滋議。其誤蓋自戴侗始也。許書自陽冰二徐不無改竄。求六朝本而不可得。降求唐本又不可得。則二徐本能不寶貴與其意爲增減。恐謬種流傳。後人求二徐本而並不。可得。不如存二徐本。尙可以存許書。拙著參校二徐。遇有疑義。

董增按語於下不敢於原文增減一字焉

受業外孫徐孟文校字

說文習爲古文爻辨

說文爻從二又相交。𠄎古文友。習亦古文友。士端按。習字疑誤。從二又不從羽。從羽無義。讀鐘鼎文。悟古文本作習。正取二又相交。焦山無尊鼎銘。友字作習。盧氏見曾。焦山志摹鼎文作習。傳氏世。堯六書分類。友下引大夫始。鼎作羽。又引石經作習。卽魏石經也。今考魏三體石經。左傳遺字作習。蓋古籀有繁文。有涓文。有直文。有橫文。小篆作爻。從二直支。古文作𠄎。作習。從二橫支。從𠄎者。卽𠄎之涓。玉篇白下。列古文自。此文許書遺軌。僅見玉篇。商鐘鼎爲古文習之涓。据此古文習。羽二形。至漢以後始變作習。小篆直譌爲習。然其從𠄎從自。涓變亦有因。許書白

亦自字省。自者詞言之氣從鼻出與口相助。云相助有友義。蓋亦形兼意。多舛習皆文消耳。大抵古文變篆隸。非寫書沿誤。卽版刻轉謫。玉篇多下竝列舛習二文。玉篇多本說文。雖由隸變。其作習猶有從双遺意。若二徐本傳謫作習。直無義解。是不可目不辨。

己爲古文飛字肥妃等文從古文己字得聲考

嘗聞之石臞先生曰。肥本作肥。從月從己。己古文飛字。士端謹私淑先生之教。而申其義。按許書肥妃配皆從己。爲古文飛字得聲。故古文己字與己字迥異。己字本文作𠄎。故三豕爲𠄎。𠄎之譌。可見𠄎與三形近。自篆隸變而爲己。竟與古文飛字作己相溷。人絕無有知己爲古文飛字者。而肥妃等文從何得其聲乎。說文非部斐別也。從非己聲。此卽許書從古文己聲之遺。上目形同下目聲同。例或如此。說文斐下存己聲字。古兂片羽。誠可寶也。段氏注改云斐從非從己。又於女部妃下從女己聲。改云妃從女己。併將聲字概行刪節。則盡去其籍矣。唯戴侗六書

故云。肥妃配皆目。己爲聲。己當自爲一字。而究未審爲古文己字之譌。又六書故龍部下引遲久鍾龍作𪔐。偏旁明列己形。而坊刻本又譌爲又。直是無迹可尋。蓋古肥飛本通。惟其聲同。故相通段。惠氏易說曰。乾五飛龍。遯上飛遯。肥古易作飛。淮南九師道訓曰。遁而能飛。吉孰大焉。張平子思元賦。利飛遁以保名。又云。離爲鳥。初二變小過。橫成𪔐。卽古文飛字。與非通用。六書故曰。飛象鳥飛。又作𪔐。又轉而爲𪔐。借爲是非之非。唐碧落碑導飛廉而從鼓圍。飛篆文作𪔐。元周伯琦說文字原亦目𪔐爲古飛字象形。易咸六二咸其腓。苟爽易爲肥。班固幽通賦安恬怡而不𪔐兮。曹大家注云。𪔐避也。顏師古漢書敘傳注云。𪔐字

本作腓。朱劉球隸韻八微肥字下所載漢樊毅復民租碑作肥。老子銘作肥。鄭烈碑作肥。皆有古文飛字遺意。絕不收從巳之文。劉氏球尙知肥從己爲古文飛字也。又顧氏隸辨八微妃斐竝列。引列仙傳江斐二女以爲妃之異文。文選蜀都賦娉江斐與神遊。吳都賦江斐於是往來。五臣竝作妃。廣韻八微疵風疵痛也。疵上同。楊氏慎六書索隱竝列古文妃。亦明箸古文己字之形。古肥妃二字皆與飛非二字通。是從古文己字得聲可知。然則己爲古文飛字何以知其然也。蓋古文有省文繫文之例。古文己爲飛之省文。得己之中體。說文龍部龍從肉飛之形。小徐云。𠂔肉飛也。六書故引唐本說文作从肉从飛。士端謂𠂔爲

古文乙字之繁文。古文乙爲𠂔字之省文。直訓肉飛乙又爲飛字之省文。飛爲火之繁文。𠂔即飛字省其下形。乙即飛字省其左形。飛字正文則生非。飛字背文則爲羽。飛而短羽則爲𠂔。𠂔省飛之上形。𠂔象飛之倒形。𠂔象鳥在巢上。𠂔即古文乙字之形。從燕之雙火生者爲飛非二形。從直之單乙生者爲乙形。而即日省飛之左形爲古文飛字。何以乙得直之中體也。郭忠恕汗簡凡龍字皆作𠂔。戴侗六書故龍下竝列古文𠂔。𠂔二形。阮氏積古齋鐘鼎彝器款識周龍伯戟龍字作𠂔。莊氏說文古籀彙證目辰部竝列籀文龍字作𠂔。古龔伯葬銘龔作𠂔。周頌壺銘龔字作𠂔。中畫皆從乙。据此从肉从飛是从古文飛作乙有

明訓矣。錢氏潛研堂文集云：國語日月會于龍旡，幼讀東京賦，卽疑旡與疾協韻。後讀廣韻四覺部，旡訓龍尾，又與豚同，乃悟旡爲犯之譌。廣雅云：豚臂也。故龍尾亦有龍犯之稱。然犯豚皆漢人俗字，士端謂犯譌爲旡，其俗字亦有所本。文選東京賦引賈逵注云：旡，龍尾也。玉篇作犯，是凡從𠂔亦或作巳爲古文飛字无疑。則𠂔爲龍之中體不信然。與宋劉球隸韻三鍾引夏堪碑作𠂔，帝堯碑作𠂔，皆得𠂔之中體。製字者卽以爲飛之古文，故𠂔配從古文得聲。疑許君原書飛部飛字下當自有𠂔爲古文飛云云，或曰爛簡譌脫，偏旁淆混。今本說文肥多肉也，大徐本作從肉從下，鉉曰：肉不可過多，故從下。小徐本作從肉下。

聲。卩字明是己字。爛簡脫去半截。是小徐本猶存聲字。遠勝大徐。然小徐但有卩聲。而不審爲古文己聲。譌脫則小徐之疎也。大徐以卩字斷簡。漫爲臆說。段氏注主之。謬甚矣。以說文之例考之。當作肥多肉也。從己從肉。己亦聲。肥訓多肉。與旨一體。故亦從肉。飛。古文肥。飛二字通用者。目形聲意皆近也。自隸變爲正亥之正。又譌爲卩。以致肥妃配等字不得其聲。六書故作肥。以徐鉉說爲尤鑿而透。是戴氏知從卩誤。而不知從己爲古文飛字亦聲也。顧氏隸辨入微引復民租碑老子銘皆作肥。又云。從龍之字。如龔或省作龔。猶有古文己字遺意。無如今人皆誤認爲正亥之正也。若玉篇廣韻諸書相沿作肥。至近世俗體作

肥更屬變本加厲矣。汗簡作𦵿則仍從卩之誤。說文經陽冰改後繼以徐鉉已非原本。又呂古文篆隸相承點畫聲音不無舛誤。若古文己字與𠄎亥之𠄎相溷從何始乎。隸變入字作𠄎。據此知凡譌爲𠄎者自隸始也。錢氏養新錄引說文𦵿崩也。義與毀同。列子口所偏肥。晉國黜之。殷敬順釋文𦵿音皮美反。說文字林竝作𦵿。又作𦵿。皆毀也。字從其省。士端按此亦隸書變爲𠄎亥字之證。列子古書不應作巴。必是淺人誤改。竊思許書肥字大徐以不得其聲改而從卩。今人但知肥之從卩從己而不
知從古文己字得聲。噫。偏旁不正。聲音不審。經典中譌繆之文從何考乎。韓非子內儲說上衛嗣君重如耳。愛世姬而恐其皆

因其凌重以壅己也。乃貴薄疑以敵如耳。尊魏姬以耦世姬。曰以是相參也。荀子王制篇成侯嗣公楊倞注引作尊魏妃以耦世姬。士端按古妃字一作娶。揚雄太元經內初一謹于娶執。注謂娶執古妃仇字。据此知韓非魏姬姬字本當作娶。作姬者以坊刻形近轉寫而誤也。楊倞注荀子必以古娶字與妃同音而引作魏妃。以爲通用。是古娶字亦從古文己字得聲。元疑。揚雄博極羣書。蓋有所受。自古文失傳。後世如宋夢英偏旁字源。元李支仲字鑑等書。形聲乖舛。迄難究詰。以致從己得聲之字。一溷于己字。隸變爲己。而己爲古文飛字。一誤于說文爛簡飛下脫去古文己字。而凡從己得聲之字皆不知爲古文飛字。以

爲從己亥之己遂致肥妃配等字不得其聲相率而刪去聲字
竟成千古絕學矣頃讀阮氏積古齋鐘鼎彝器款識列稍妃彝
兩列縹緗字皆作𠄎明箸古文己字之形𠄎字偏旁反形在左
古文正多此例又番妃鬲妃作𠄎係正形在左魚冶姪鼎妃作
𠄎係正形在右其爲反正左右偏旁皆同又薛氏款識列齊侯
罇鐘配字作𠄎又齊侯鐘八亦作𠄎又審磬配作𠄎皆從古文
飛字作己尤屬明顯又周陳逆簠配字作𠄎更爲確證考薛氏
阮氏著鐘鼎古文一書而古文之變爲篆書其偏旁遺意猶可
推尋一二卽此𠄎𠄎二文推之而肥字從古文己字得聲較若
發矇可昭定論或曰從古文得聲許書有此例否按大部爲古

文大齋從升從水大聲卽呂古文大字爲聲許書正多此例小
徐本雖有遺軼抱殘守缺猶云卽聲大徐目不得其聲徑刪聲
字觀其補埒肉部之末強作解語不可不正也道光辛卯年士
端充補宗學教習與王寬夫先生同旅館述其尊大人石臞先
生曾注說文目己爲古文飛字肥字卽從己得聲家郁甫先生
手錄古韻亦己己爲古文飛字標注王懷祖云

說文匱字考

按匱字古籀變體甚多許君小篆定作從竹從皿甫聲古文作
匱卽從夫聲夫甫聲同許君之例古文從匚籀文從匚周留君
簠作匱從古聲陳逆簠作笑從夫聲皆與甫聲同歐陽集古錄
列張仲匠文作匱汗簡作匱云見說文辭氏款識列史黎簠作
匱是古籀有省文有繁文也太公簠作匱劉公簠作鋪吉父簠
作甬顧氏隸辨孔宙碑惠簠不敞皆省形不省聲從缶並與甫
聲近周寶簠作匱叔邦父簠作匱偏旁作反書阮氏款識云左
哀十一年傳胡簠之事則嘗學之胡簠卽簠簠禮明堂位殷之
六瑚與敦簠並列明爲盛黍稷之器瑚之爲簠異名無疑士端

謂從甫從夫從古皆與瑚聲同
嘉慶丁卯孟慈日開君簠銘揭
本見貽爲容甫先生賞鑒之物
此器今藏徐外孫家與邛上
邛本無殊尤余所目驗者

受業外孫徐孟文校字

說文引尙書𠂔𠂔東作當爲𠂔𠂔解

按許君引尙書必是壁中古文不當作𠂔字𠂔𠂔蓋𠂔𠂔之譌
江氏△注謂𠂔章百姓𠂔讀若辨今文爲辨下文𠂔𠂔𠂔在諸
文伏傳及鄭注周禮馮相氏所引皆作辨又伏傳予辯下土使
民𠂔𠂔𠂔爲𠂔之誤𠂔𠂔辨治也古文𠂔作𠂔學者罕見𠂔字
輒誤𠂔𠂔爲古文𠂔故堯典𠂔章𠂔𠂔𠂔在鴻範王道𠂔𠂔𠂔隸
古定本皆作𠂔唐時悉改爲𠂔士端謂古文𠂔作𠂔與𠂔形相
似尙書辨章辨秩字皆作𠂔顧氏隸辨列漢司農劉夫人碑甄
𠂔其口猶作𠂔字余同年友臧君相曰魯恭王得古文尙書於
孔壁中孔安國曰今文讀之許君解字尊信古文所引尙書皆

於壁中存其舊跡豐部𠂔下引書平𠂔東作鄭本作秩見周禮
注𠂔爲壁中書秩爲子國改讀也士端謂鄭君從安國以今字
寫定作辨秩或作辨辯史記作便程采便呂音同段縉程秩聲
轉𠂔秩聲近詩鄭箋引古文尙書弟爲圉聲近之證詩采菽平
平左右釋文引韓詩作便便左襄十一年傳引詩作便蕃左右
阮氏款識列周番𠂔采𠂔𠂔・釋文謂番作父丁是采𠂔平呂形
近轉譌作便番耳然攷許書乎部𠂔分也古文作𠂔自不誤辭
氏款識列平陸戈文作𠂔陸周琬戈八寶平𠂔平字作𠂔秦斤
作𠂔許篆因之但𠂔列庚韵平列先韵音義迥別其誤殆𠂔于
按許書者目乎部古文采與𠂔形相近而致誤江氏注尙書据

古文作𠂔𠂔而不知壁中古文實作𠂔𠂔古文𠂔卽從𠂔省
是正之

說文豐字考



說文豐豆之豐滿也從豆象形一曰鄉飲酒有豐侯者按訓滿是釋本字義古亦作豐汗簡引古周易作豐廣雅豐大也又與繇通說文繇豐也云有豐侯者漢時說禮家制許書凡一曰文皆別錄亦段摺例也阮謹曰豐國名坐酒亾國崔駰酒箴曰豐侯沈湎荷器負缶自戮于世圖形戒後李尤豐侯銘曰豐侯荒謬醉亂迷迭乃象其形爲禮戒式如吾邑漢射陽石門畫象中層建鼓後列豐侯是也按漢武氏石室畫象所列豐形竝鼎槃蓋齋虛豕等物皆與射陽畫象同劉君楚楨寶應圖經錄翁氏方綱武氏祠堂畫象詩虞書觀象遠莫追豐侯圖形見者誰今之正書祖漢隸畫手曷弗東京規西川稚子闕已勸我始訪得射陽碑拙箸此條與翁氏詩暗合足證射陽畫象爲漢石而豐侯圖形尤爲漢時說禮家所重許君一

曰文蓋師承有目也韋氏三禮圖云豐作人形戴杆爲戒本許說也

按韋圖豐

矣亦兩手上承頭上戴杆而漢畫尤占勁

云從豆象形者鄭注燕禮云豐形似豆卑

而大又注大射儀云豐以承尊說者以爲若井鹿盧近似豆大而卑士端按凡單言豆者古食肉器若用以行禮薦菹醢則籩豆連文字當作桓許書豆下竝列桓引爾雅木豆謂之桓以別之賈疏云旣用豆爲形還近似籩豆之豆鄭單舉豆必是食器賈以籩豆連文而字不作桓經典皆段藉用豆故桓字不著于經蓋段藉奪正義又古文豆大徐作小徐作錯曰象形士端按豐侯正象此又鄭注大射儀云其爲字從豆曲聲賈疏謂上聲下形之字據此則曲本古有是字鄭君精于六書當本許

氏聶氏嚴玷下謂玷以致嚴若施于燕射則曰曲

音豐

賈義云從

豆爲形以曲爲聲是聶氏所見注疏本皆作曲無誤阮氏學經

室集據𦵏字瓦謂從𦵏聲士端按許書豐下竝列古文𦵏古文

或繁或渚𦵏爲曲之渚文渚文亦聲六書故引唐本從𦵏聲與

古文正合蜀本又渚從𦵏聲汗簡作𦵏蓋渚從𦵏𦵏作𦵏是

徵也薛氏款識列周單癸卣作𦵏又從𦵏渚皆古文渚聲不渚

形據此今本說文脫去曲聲二字

議者或以曲字𦵏字不見許書正文士端按許書凡從某

某聲偏旁之字不見正文者多矣校者不審輒刪聲字此文幸

有于鄭注賈疏竝聶氏禮圖可證蓋說文經陽冰二徐不無刪

改段說未允

增

玷制與豐不同

按燕射豐在東楹西但斲大木取其安穩若論語反坫在兩楹
閒近南燒土爲之全氏經史問荅云豐用木坫用土考之詳矣
賈氏大射儀疏以論語反坫釋豐且云用豐年之豐爲坫未免
牽合音坫氏禮圖別立巖坫之名謂坫以致巖亦以承尊若施于
燕射之禮則曰曲音蓋亦沿其誤與

受業外孫徐清澂字子瀉校字

說文釋尚書大麓

按說文麓守山林吏也從林鹿聲一曰林屬於山爲麓据此堯
典納麓蓋使舜爲守山林吏耳徐鍇謂卽周禮虞衡左傳衡鹿
是也講家聚訟紛紛當日許君爲正解尚書敘云稯試諸難江
氏述堯典正義引鄭注云入麓伐木許鄭皆治古文尚書是入
麓伐木鄭卽用許一曰之說太史公本紀使入山林王充論衡
使舜入大麓之野錙向列女傳遜于林下入于大麓鄭元水經
注引古書云堯將禪舜納之大麓之野皆古文家說也薛氏鐘
鼎款識周季頰鼎王徙于楚麓命小臣陵先見楚居鼎文作𡗗
𡗗薛氏解云麓說文以爲山林吏又曰林屬于山爲麓則徙于

楚麓者謂其山之林麓蓋如書言大麓之類是其證也又說文麓古文從录作麓是大錄萬幾錄爲麓之段稽又其例也

說文粵字考

姚氏校議曰此蓋取古文爲聲由枏當依櫨下引作粵櫨說文
無枏字古文言由枏士端按許書木部櫨下列古文作枏或體
作櫨正義本從或體毛詩庶姜薺薺韓詩作輶輶薺輶同聲是
其例也今說文粵下引古文作由枏枏蓋枏字轉寫之譌許君
粵下引古文櫨下不言古文又其例也由卽粵之省段許書正
文無由字見于說解古音讀徒歷反笛苗迪袖等皆從由聲廣
韻粵下竝列櫨云上同玉篇木部有袖字云木更生與由同袖
乃櫨之脫文潘耒類音第九類十四憂粵下云亦作櫨是讀徒
歷反之證爾雅釋木袖條釋草蓀蓀苗蓀皆疊韻條從攸聲讀

若逐易其欲逐逐漢書作攸攸管子其草字華蓀蓀一名遂是
柚條古有迪逐二聲又爾雅條條秩秩釋文舍人本作攸攸沈
亦音條按蓀蓀皆從攸聲東魏高湛墓志條人卽脩人廣韵蓀
苗蓀二字同列荻遯下說文苗從由聲錯曰苗音迪爾雅釋草
有之据此則由皆有古音自由字聲轉讀以周反與繇猶通
而徒歷反之古音晦矣

阮氏論語論仁論補義

按說文亼部仁親也大徐作从人从二小徐及通論韵會作從人二聲古音或有通轉蓋亦聲兼意許君別立亼部云亼仁人

也古文奇字人也象形孔子曰在人下故詰屈

引孔子語傳主形亼爲古文象















形亼爲籀文象形

是古文亼卽仁字乃孔子相傳之詰訓而許君述之

按亼仁人也與仁者人也轉相注段本亼下刪去仁人也三字非是

中庸仁者人也鄭注人也讀

如相人偶之人卽許君仁訓親从人从二之說阮氏解相人偶謂人之偶之也以此一人與彼一人而盡其敬禮忠恕等事凡仁必於身所行者驗之而始見亦必人與人相偶而仁乃見此正體會許君仁訓親从人从二之說許書仁訓親又親訓密至

若鼎臣兼愛之說恐入二氏學矣或曰許列古文作何說也
余曰徐鍇通論云心爲仁唯仁者能服衆心也古文變體不
一下又列古文作小篆仁从人从二字而生又二
推之至什佰具數也許書惠亦訓仁惠从單古文从三
爲積數是其例也阮氏又云夏商以前無仁字虞書德字惠字
包仁字在內仁字不見于尙書虞夏商書詩雅頌易卦爻辭之
中此字明是周人始因相人偶之恆言而造爲仁字士端按許
書德訓升心部惠字訓外得於人內得於爲惠字眞詮虞書
德皆惠之段稽古文卽仁也又古文其偏旁从从
二云从尸者轉寫譌也孫棻大徐宋本篆作近是玉篇从尸

校許書者習見玉篇故通論因之誤解漢書以𠂔爲古夷字說
文𠂔部𠂔或作𠂔卽从𠂔𠂔是𠂔與𠂔迥別据此仁字實从𠂔
文𠂔與𠂔展轉相生又𠂔𠂔雙其形爲𠂔訓隨行𠂔訓相從
二𠂔爲𠂔𠂔爲𠂔比密也𠂔其形爲𠂔𠂔立也𠂔訓多𠂔訓
會𠂔訓𠂔詞與𠂔相人偶𠂔也相人偶卽親也若二𠂔相背爲
𠂔𠂔取乎𠂔卽人不相偶𠂔也不相偶則不親不親則不得爲
仁七十子相傳大義許鄭諸大儒尙可上溯淵源耳

阮氏釋心補義

異義今文尙書歐陽說心火也古尙書說心土也徐鍇繫傳曰
心星爲大火然則心屬火也士端按土居五行之中心列五藏
之中土旺四季羅絡始終萬事皆具於心猶萬物皆生於土孔
子曰飽食終日無所用心竊意用之一字所包甚廣所推甚大
說文用訓可施行也从卜从中鼎臣曰卜中乃可用也又庸訓
用从用从庚庚更事也士端謂庸訓用言凡可施行皆庸行也
皇侃論語義疏直訓爲無事是無所用心卽無所施行也事者
仁義禮智家國天下之事實用者也而其功在於學禮大學言
治國平天下正心一大關鍵孟子傳孔門之學術其說曰仁義

禮智根於心惻隱羞惡恭敬爲固有君臣父子兄弟夫婦朋友爲達道而又惡陷於虛也曰不以仁政不能平治天下今有仁心而民不被其澤故曰徒善不足以爲政又曰以不忍人之心行不忍人之政苟能充之足以保四海苟不充之不足以事父母離仁義禮智家國天下以言心孔門無是說也白虎通義曰心之爲言任也着一任字卽可施行之謂兩漢人重經師家法去周秦未遠七十子相傳大義猶能上溯淵源自清淨說行或流爲法術又流爲虛空又流爲邪僻皆非正用不可施行也易曰復其見天地之心故日月風雷雨雪霜露春生秋殺乃天地之大作用大施行也人受天地之中以生所謂性也說女性人

之陽氣性善者也情人之陰氣有欲者錯曰五性仁義禮智信
屬陽所以五五陽數情屬陰所以六六陰數皆與孔子孟言性相
發明若莊子庚桑楚曰不可內于靈臺注云靈臺者心也不知
許書訓靈爲巫或體直从巫以靈訓心非許謬也故說文一書
闡發微言維持名教爲說經所宗云

說文用韓詩

白華視我邁邁傳邁邁不說也釋文邁如字韓詩及說文並作
怖怖孚吠反又孚葛反又匹代反韓詩云意不說好也許云很
怒也士端按此可作許書亦用韓詩之證怖爲本字邁爲段藉
字毛詩多用段藉字吳氏說文引經考云正字通譏說文引詩
無藉是未考經典釋文也

說文憐極二字考

按憐字籀文作憐薛氏款識列周石鼓文吳人憐莊氏石鼓
然疑云憐說文作憐哀也從心憐聲段說文作憐疾也從心亟
聲一曰謹重兒愚謂許書心部奔旁著也古籀心或在下如懼
古文作𢇛𢇛古文作𢇛𢇛籀文作𢇛𢇛古文作𢇛𢇛是其例也阮
氏文選樓重摹天一閣宋拓石鼓文憐字完好極字作𢇛蓋文
本作亟古從又之字亦或從支程氏數秦漢瓦當文字列秦長
生無極瓦極作𢇛極字從敬得聲此許叔重所未錄者漢與天
無極瓦作𢇛又消文作亟與石鼓文合方言亟憐愛也東齊海
岱之間曰亟自關而西秦晉之間凡相敬愛謂之亟陳楚江淮

之闕曰憐是方言作亟與石鼓文合其亟旁從心實始小篆蓋
自古文而篆偏旁加減賴金石古文以證之說文大徐篆作𢇛
小徐篆作𢇛較大徐爲勝潘氏迪石鼓文音訓云初在陳倉唐
許書憐下不著籀文慈又翻車翻馬說文我下亦未列籀文
疑古吾我通爾雅吾我也說文我自爾吾卽翻諸秦詛楚文作
𢇛古文從邑亦指從多許書𢇛古文退後古文慈是其例也又
說文義下列葬字云墨翟書義從弗弗魏郡有蕘陽鄉石驪先生
墨子雜志曰墨翟書義從弗弗於聲義未協弗當作葬古文我
字與弗相似周晉姜鼎銘我字作葬蓋鐘鼎古文又從葬消可作從
聲一也說文我字下未列古文作葬葬蓋鐘鼎古文又從葬消可作從
葬之證徐本古文我作滅蓋傳譌也莊氏孫氏以石鼓爲字文
周時竹書甫先生述學定爲周宣王是也又段氏注說文極下
改爲急性也云各本作疾也今依韻會正鈕氏駁之
曰按篇韻引並作疾也則不誤韻會蓋仍毛晃之誤

說文引尙書古文

按許君闕下不引書。闕下引書蓋許君親見古文如此。手部撻
下列古文。尙引書曰。撻以記之。同此義例。江氏尙書△注音延
曰。闕從𠂔在門中。象推門之形。故其說爲闕。𠂔六書爲指事。謂
開明堂之四門。日出政教于天下。士端按。汗簡門部亦作闕。云
見說文。

許叔重不用緯書

緯書出于漢世其解字多主會意許氏毋不主其說蓋許書師傳主形聲者十之六七如春秋元命苞云王者置廷尉讞疑荆官之平下之信也尉者尉民心撫其實也故立字士坐一人詰屈折著爲廷示戴尸首以寸者爲言寸度治法數之分示惟尸稽千寸舍則治有分故爲尉示與尺寸宋均注云士事也坐係也尸人死人不可無乃戴之者示天下不可無外也許書云廷朝中也從廷足聲解廷守專主聲又云尉从上官下也從尸又持火以叙申繒也許書解叙字以案下叙申爲訓義兼段藉漢隸亦以又作寸足徵緯書出于漢世乃以隸法解之許書本

小篆曰故賈逵諸儒不宗之而許氏亦遂不主之也篆隸相承
率多繆誤非其徵與又水之爲言演也陰化淖濡流施潛行也
故其立字兩人交一以巾出者爲水一者數之始兩人譬男女
言陰陽交物以一起也許書云水準也北方之行象眾水並流
中有微陽之氣也許書本小篆字有多從橫水者如益之屬正
中有微陽也元命苞謂兩人交一以巾出者仍是從隸法解也
又考異郵云風之爲言萌也其立字虫動于凡中者爲風又二
九十八主風精爲蟲八日而化風烈波激故其命字从蟲蟲爲
言屈申也又二九十八主風風主蟲故八日而化許書云風
八風也風動蟲生故蟲八日而化從虫凡聲按許云從凡聲其

也又說顓臾云地之爲言婉也承天行其義也居以下山爲位
道之經也山陵之大非地不制含功以牧生故其立字土力于
一者爲地力勤也一卽大也許書云地元氣初分輕清陽爲天
重濁陰爲地萬物所陳列也從土也聲星之爲言精也榮也陽
之精也陽精爲日日分爲星故其字日生爲星許書云星萬物
之精上爲列星從晶生聲黍夏出秋改黍者緒也故其立字禾
入水爲黍許書云禾屬而黏者也呂大暑而種故謂之黍從禾
兩省聲据此許書多主形聲爲音韻之祖

毛詩卷耳釋文兕又作兕爾雅云兕似牛

士端按作兕者隸變也漢孔宙碑引詩稱彼兕觥急就章豹狐
距虛豺犀兕是其證說文兕古文作兕陸氏以隸法入經典正
文唐人不講六書如此又惠氏九經古義以劉爲卯金見于讖
緯光武篤信之諸儒不敢言其非說文無一言及之士端按許

君不信緯書故從卯之劉不收正文金部鐻卽劉字段氏改鐻
作鐻直不成字破爾雅釋詁勝肩克獨皆訓殺不定從刀許書
金部鉞鉞從卯聲皆訓矛不定從矛段改田作刀謬矣又破許書
鐻從卯留從卯聲皆不從卯從卯者漢隸遵鐻緯而變故隸韵
列漢碑皆從卯作劉祇征南劉君神道碑作劉此漢隸僅見又
隸辨云漢書王莽傳云受命之日丁卯也卯劉姓所已爲字据
此劉字從卯實始于漢隸宋王復齋款識揭本晉銅尺銘文有
懔走鐻訛銅尺云云是劉歆作鐻歆晉時猶正其失許君不信
鐻緯非明徵與說並詳拙箸說文按定本

玉篇羹字誤解

羹說文訓似𧈧𧈧玉篇云似𧈧蓋玉篇羹下別有羹字訓似𧈧是羹下似𧈧二字乃涉下文羹訓似𧈧之譌段氏據以改說文非是

廣韻亦作似𧈧蓋沿玉篇之誤廣雅別訓缺思未確

廣韻引說文誤

說文𧈧𧈧也從魚豐聲𧈧魚名從魚麗聲二字聲義各別廣韻引說文𧈧𧈧也𧈧上同合𧈧𧈧爲一字非許例矣

說文𧈧飯傷溼也𧈧飯𧈧也引論語曰食𧈧而𧈧又𧈧飯傷熱也許君訓各不同廣韻訓𧈧爲食傷熱殊乖許例類篇訓𧈧或作𧈧更誤何晏論語集解引孔曰𧈧𧈧臭味變皇侃義疏𧈧謂




飲食經久而腐臭邢昺疏饘飯饘臭引字林饘飯傷熱溼爾雅
郭注飯饘臭玉篇臭味變字書訓解皆不合曰許說爲正

類篇引說文誤

哺類篇引說文云哺申時食一曰歃也按說文哺咀也不云申
時會考說文別有哺字云日加申時食類篇誤以哺解哺

又說文哺日加申時食通籀文廣韻亦云通籀文哺類篇於食
部哺下引說文云申時食又以通列皿部引說文亦作申時食
不云通爲哺之籀文是許書古籀譌脫於後世之字書不少也

古文方圓二字象形說

楊氏丹鉛總錄謂口字說文音圍象周巾之形蓋方圓皆象形也然釋口字較詳釋○字獨畧士端竊引申之云按說文惟圓字訓規今時罕用此字若圓訓天體圓訓圓全方訓併舟說文不以方圓訓規矩則規矩古訓當作口○象形墨子經上圓一中同長也畢氏注云一中言孔也量之四面同長士端廣其義曰爾雅釋器云肉倍好謂之璧好倍肉謂之瑗肉好若一謂之環好卽取于中之象也環字古文作秦權文官字從聲作○聶氏三禮圖列鹿中兕中皮樹中間中虎中禮正義云其中之形刻木爲之狀如兕鹿而伏背上立圓圈以盛算戴侗六書

故云○陟弓切中○而質之中之象義也。夏其中曰中玄聲。鼃說之曰林罕謂從○象三方上下通中也。据此則中古本作○作中作中皆篆隸之變。畢氏謂一中言孔量之四面同長是墨子書圖當作○。墨子又云方在隅四謹也。畢氏注云謹疑維字。士端廣其義曰謹維形相近之誤。舉一隅不以三隅反。四隅爲方。四謹卽四維皆方也。是墨子方本作口與○同。又經說上云圖規寫支也。畢氏注云此釋經上一中同長也。士端廣其義曰周髀算經筮以寫天。注寫象也。易云天坐象又象也。若像也。釋文眾家皆云像擬也。尙書云予欲觀古人之象。支爲支之譌。說文支訓小擊於圖規義無所取。說文支直兩切十尺也。人手中

尺故從十從又長十尺目爲度謂取圓規而擬度之也經說上
又云方矩見支也遷氏注云此釋經上方柱隅四謹也士端廣
其義曰見眡也說文祜下云明眡以算之柱隅四維可眡以算
者也故曰見支也是墨于書方圓皆作□○象形其箸于經典
者禮投壺云𡗗○□釋文謂○圖𡗗□方鼓正義曰以鼓節有
圖點有方點故以爲圖者擊𡗗方者擊鼓据此古以方圖作□
○象形僅見于此自經典方圖字行而□○古文廢矣說文有
□部無○部其○文或散見別部時出他說六書故云日之○
自取象于圓初不從□亦無從一之理日中從乙流俗相謂不
察者習信之也星古文作𠄎天之庶曜也古單作○爲其嫌於

日也故象其𠂔爲。隸書與品亂故又𠂔之以聲而爲𠂔參爲
𠂔。𠂔爲𠂔虞書曰日短星𠂔莫飽切又別有𠂔音力求切詩云
維。與𠂔毛萇曰𠂔也陸氏音𠂔誤也。𠂔與𠂔爲韻晨爲𠂔汗
簡晶爲。參爲見尙書晨爲𠂔出義雲章鄰作。出碧落文
莊氏說文古籀証證目。說文從邑部今本說文𠂔鄰道也作
。者蓋籀文也又汗簡以𠂔爲方云見尙書此蓋涉𠂔字而誤
說文所溥也從二關關者關𠂔之義非謂𠂔爲方也薛氏歎識
列哉敦元衣赤環環作。史孫槃槃作。其音讀槃作。者象
形篆也邵戒山元史類編引張理易象圖說云順而左旋者天
之圓渾儀厯象之所由制逆而右布者地之方封建井牧之所

由啓也以圓函方◎以方局圓○則範圍天地之化而不過曲
成萬物而不遺又其徵矣

釋藉

按古人文字多段藉段藉之例半由聲音有以音同音近相段者有以語轉相段者攷藉籍說文雖艸竹二部分列實皆從藉得聲故以同音通段儀禮士虞禮注云古文藉爲席藉有席音是其證史記正義藉寸管反名籍也又薦藉也又租夜反卽偕也賈氏羣經音辨藉薦也在夜切藉天子田也才亦切禮躬耕藉田宋岳珂九經三傳沿革例謂春藉田之藉與助者藉也之藉皆當從在亦反士端按許書本字作藉云帝藉千畝也古者使民如偕故謂之藉國語宣王不藉千畝明堂大道錄引作藉經典文字辨正云藉正字偕別字說文人部有偕字乃徐鉉增

入漢書郭解傳以軀藉助報仇古藉字墨子魯問篇翟慮耕天下而食之人矣盛句然後當一農之耕分諸天下不能人得一升粟籍而以爲得一升粟其不能飽天下之飢者既可睹矣翟慮織而衣天下之人矣盛句然後當一婦人之織分諸天下不能人得尺布籍而爲得尺布其不能煖天下之寒者既可睹矣注云兩籍字皆藉字段音文心雕龍書記第二十五籍者偕也歲俗民力條之于版春秋司籍卽其事也婁機史漢字類史記陸賈傳名聲籍甚漢書同又江都易王傳國中口語籍籍字或作藉又孟子云助者藉也徹者徹也助藉徹徹皆以音同音近爲訓如仁者人也義者宜也之例旬師疏天子籍田千畝藉偕

此三百人蔡邕明堂月令章句云僭人力以成其功故曰帝藉
据此則藉訓僭爲音同助訓藉爲音近周禮鄭大夫讀耜爲藉
杜子春讀耜爲助耜藉從雙聲讀也耜助從疊韻讀也周禮注
又引孟子作七十而蒔類篇蒔字下云商人七十而耜或作蒔
又周禮以興耜利阡或省耜且字古音讀若祖與耜字亦音相
同也周禮司巫蒔館杜子春云蒔讀爲鉏鉏藉也元謂蒔之言
藉也皆段藉通用例也

釋矜

羣嚴音義云特坐矜念謂从予令我所獨念也若從矛今者音
巨斤反矛柄也校臧氏拜經日記辨矜憐之矜宜從令聲足補
字書之缺但仍偏系從矛猶未辨之析也惟吾友陳氏雪峰棨
釋藏古本羣嚴音義矜憐字作从予令士端謂慧苑云我所獨
念則明明從予而不從矛矣從予其義從令其聲慧苑援引字
書足資考證又得雪峰精校誠爲善本辛卯遇雪峰于都中士
端捐棨二頁延至十年殺青未竟助其成者李月汀太守也秦
楚文有矜字唐贈秦師魯國孔
宣公碑陰乞特矜照正作矜

石臞先生注說文軼語

王寬夫先生言其家大人石臞先生曾注說文因段氏書成未
卒業並以藁付之後先生見段注妄改許書不覺甚悔余從父
郁甫先生手錄說文古匱凡標注王云者卽先生也筑似箏五
弦之樂也王據吳都賦改當从竹珣聲築字从此得聲迷今刻
本誤作迪王从玉篇改正奐王云當有角字从人亢聲奐字从
之奐當从奐省聲妃配王云當有乙字妃配等字从此得聲乙
卽古飛字也贅王云此字當從欸得聲疑是篆文之誤元王云
當从一兀聲呂上石臞先生說此外如璿美玉也从玉睿聲春秋傳曰
璿弁玉纓璿古文璿審籀文璿台拱桮从口者篆文从目者古

文此一字傳寫互誤呂容字驗之可見

呂上對端臨先生說

容聲當在十

四部而今人讀為以芮反則入十五部此聲段氏未收姑記于此
璿并玉纓今左傳作璣又璇字今人讀與璿同廣韻璿籀文璿
今說文本作璣疑誤又鹵卽鹵字又鬲誰也从口鬲又聲當作
从口又鬲聲

呂上郁甫先生說士端鬲字考與先生暗合段注謬改前賢已有駁正

石臞先生

葉本不可得端臨郁甫兩先生遺書亦未槩謹錄以示後學

右第三篇媻研小學謹依玉篇汗簡歐趙諸錄薛尚功王復齋款識竝近世大儒王石臈先生讀書雜志阮相國太夫子鐘鼎款識諸書得許氏之源流正後儒之刪改非好異矜奇亦非鄉壁虛造此余說文校定本所畧著也蓋經傳畧古文而篆畧篆而隸或以形近傳譌或目聲近致誤卽文字段稻亦畧聲音可不合古文篆隸互爲推求邪略存一二目見大凡尙期博雅君子匡所不逮云士端謹識

彊識編目錄

寶應朱士端學

第四

古音通轉紀畧 古韵通轉說畧 沈休文詩用古音

史記溝洫作溝渫 史漢引尚書異文 漢書注誤 漢

臧陳二烈士祠神像冠服考 後漢書華公本傳考畧

古地名多轉語合聲 明一統志譌 跋漢延熹封龍山

頌 漢射陽石門畫象考附圖詩記 吳天發神識碑攷畧

荀子補義 墨子考畧 董子詁經 有瓜葛 羣書治

要引經 六帖引詩 好溪 徐長卿 校山帶閣集

韻編第四

寶應朱士端學

古音通轉紀畧

古變別聲轉揚子法言吾子篇聖人虎別其文炳也君子豹別其文蔚也周易作變古恂駁聲同大戴禮衛將軍文子篇爲下國恂蒙荀子引作駿蒙大學瑟兮僞兮者恂慄也鄭恂或作峻讀如嚴峻之峻古釐來聲同文選典引注引韓詩貽我喜蓂劉向上封事作貽我釐薺毛詩作貽我來牟說文繫傳齊謂麥曰秣集韻十六咍秣重文麤薺云秣或麤亦從二來通作釐漢開母石闕銘篆文作釐敢敦銘取釐解者作受釐釐有來音又漢書溝洫志隤竹林兮捷石菑宣防塞兮萬福來是舊來亦同音

又蓼薺古凡從牟從攷之字皆音相同也古扁甸聲同容齋四
筆謂扁音薄典切唐韵二義其一曰扁署門戶其一曰姓也鵬
冠子曰五家爲伍十五爲里四里爲扁扁爲之長十扁爲鄉其
上爲縣爲郡其不奉上令者以告扁長如遂黨都保之稱宗陸
佃注扁當爲甸古伐發茭廢聲同詩本音勿剪勿伐伐字當讀
去聲房廢反下句茭字亦音廢大司馬仲夏教茭舍注讀如萊
沛之沛又詩一之日覯發說文作𣶒次爾雅廢稅赦舍也方言
作發稅舍車也古壽周聲同詩既伯既禱說文作既禱既禱從
示周聲或從馬壽省聲作騶說文禱或作酬古音表凡從壽從
周之字同列蕭部古瓜蒢聲同月令王瓜生注今月令云上蒢

生夏小正云王蕢秀士端按瓜蕢古通瓜字古本音孤古凡從
蕢之字亦有姑音爾雅蟬鼠父釋文云一名鼠婦一名鼠姑又
蟬與父守瓜瓜父爲韻

古韵通轉說畧

春秋傳魯哀公曰祇見疏也孔疏謂多祇同聲士端按移立等字從多聲易无祇悔九家作无敎又潜夫論敘錄云觀吏所治鬪訟居多原禍所起詐欺所爲多與爲爲韵史記引書南訛作南爲是其證又明主思良勞積賢知百寮阿黨不覈眞僞又人天情通氣感相和善惡相徵異端變化唐韵正云化古音毀禾反又明王統治莫大身化道德爲本仁義爲佐皆唐韵正所未引

韓非子揚權篇不知其名復修其行形名參同用其所生二者誠信下乃貢情又道者宏大而無形德者覈理而普至至于羣生斟酌用之萬物皆盛而不與其甯又若地若天孰疏孰親能

象天地是謂聖人欲治其內置而勿親欲治其外官置一人不
使自恣安得移并大臣之門唯恐多人莊子德充符道與之貌
天與之形無以好惡內傷其身今子外乎子之神勞乎子之精
倚樹而吟據槁梧而瞑天選子之形予以堅白鳴在宥篇無視
無聽抱神以靜形將自正必靜必清無勞女形無搖女精乃可
以長生焦氏易林乾之大有上帝之生福佑日成修德行惠樂
且安甯潛夫論敘錄五行八卦陰陽所生稟氣厚薄以著其形
天顯厥象人寔奉成弗修其行福祿不臻皆古韵相通轉

沈休文詩用古音

休文四聲譜成而古音晦然必謂休文不識古音則過矣如休文八詠詩飛衣歸衰連依何嘗不脂微竝用河間紀氏著沈氏四聲考謂程榮所刻休文集衰字下注一作非考休文用支脂之無一字入微微韻亦皆不入支脂之則作非爲是士端核紀說非是古音支脂之微齊佳皆灰咍竝用休文八詠詩本用古音程氏改衰爲非盡去古人之籍繆矣江淹扇上綵畫賦亦用衣飛衰歸乃萬光泰四聲譜考畧謂沈韻入微獨用紐合衰字爲微韻內字更繆矣然則謂休文不通古音亦多由後人之改竄第据四聲改古音以就今韻並休文詩之用古音亦晦矣是

以古書不可輕改

史記溝洫作溝洫

論語盡力乎溝洫夏本紀作卑宮室致費于溝洫包氏曰洫古
洫字士端按毛詩築城伊洫傳洫成溝也釋文引韓詩作洫云
漢池正義曰洫洫音同破說文洫疾流也從水或聲不訓爲溝
段氏校本毛詩詁訓傳謂洫乃洫之段藉是也士端謂毛詩古
文多段藉許君詩宗毛氏闕述三家故說文洫下引論語曰盡
力于溝洫蓋許用韓詩作洫不取毛詩段藉特於洫下訓本字
云疾流而不引論語文也古邦域字許書本作或又闕古文作
閭是古洫洫通

史漢引尙書異文

史記夏本紀毋教邪淫奇謀索隱謂臯陶謨文士端按史遷多用古文僞孔傳無教二字蓋卽本此漢書王嘉傳云臣聞咎繇戒帝舜曰亡敖佚欲有國兢兢業業一日二日萬機士端按班氏多用今文僞孔傳逸欲有邦云云蓋卽本此僞孔取兩書聯綴成文又於形近音同之字變易其說正閻氏所謂不古不今非伏非孔也又逸周書作雒解乃囚蔡叔于郭淩注郭淩地名士端按古音淩鄰聲近淩與陵通今孔書作鄰蓋晚出古文襲用經傳舊語變文段稍鄰行而淩晦矣說文淩從淩聲司馬相如說淩或從遼是僞古文亦皆有根據也

漢書注誤

漢書嚴朱吾邱主父徐嚴終王賈傳云南方暑濕近夏痺熱師古曰痺黃病也王氏讀書雜誌曰訓痺爲黃病則痺熱二字義不相屬顏說非也今案痺者盛也字又作痺大雅板篇下民卒痺釋文痺作痺大雅桑柔篇逢天痺怒言盛怒也痺熱卽盛熱近夏則盛熱也士端校金匱書有痺瘧謂陰氣孤絕陽氣獨發則痺非黃病若黃疸亦從溼得之一身盡發熱師古蓋以黃疸之疸同音訓痺而實則痺與疸證治迥不同當以石臞先生之說爲允

重修漢臧陳二烈士祠神像冠服考

道光十八年秋錫山先生修漢臧陳二烈士祠既藏事裝飾神象同人目烈士冠服請士端按漢制幘頭有兩耳方氏通雅云古分冕弁冠漢晉分幘巾帽皆通稱也古冑務無毋牟莫勉皆一聲之轉漢魏晉謂漆紗之冠曰幘通用曰巾幘與服志云進賢冠古緇布冠也文儒者之服也公侯三梁中二千石以下至博士兩梁自博士以下至小吏私學弟子皆一梁王莽引漢孝文高其顏題續之爲耳崇其巾爲屋上下羣臣貴賤皆服之文者長耳武者短耳稱其冠也續漢書輿服志漢興續其顏卻擐之施巾連頭卻覆之今卷幘是其制也又輿服雜事云漢桓帝

延熹中梁冀誅後京師作幘皆顏短耳長孔叢子廣服篇云題頭也顏顏額額也蔡邕獨斷云冠進賢者宜長耳冠惠文者宜短耳又通雅云耳者卽近代之帽翅封氏聞見記古用幅巾周武帝裁出腳後幘髮故俗謂之幘頭至尊皇太子諸王及仗內供奉以羅爲之其腳稍長士庶多自絀纒而腳稍短開元燕公張說賜內樣巾子長腳羅幘頭据此唐謂之腳卽漢謂之耳中羣古今注謂周武帝裁四腳則坊刻本轉寫之譌阮氏摹刻顧虎頭畫象列女傳引漢嚴延年爲河南太守母生五子皆二千石所畫幘頭皆有兩耳是其證

鎔山先生卜以九月初四日開工士端卽於是夜夢古衣冠二人持書而授讀第一冊文皆科蚪曰是真古文尙書又一冊文係漢隸曰是古韵部分恍惚中知爲烈士謹記其袍皆朱色幘

顏有兩耳如荷花瓣然今神象袍用藍色幘頭無耳同人乃命
 雕匠刮去藍色露出朱色按模幘頭兩邊尙存銅管原係安置
 兩耳年久脫落其袍用藍色蓋將此裝象人未之漢考
 闕者補之譌者訂之後學者責焉同人俱爲歎服云

謹依列女傳
 畫象漢制太
 守冠服圖正面



謹依列女傳
 畫象漢制太
 守冠服圖旁面



後漢書華公本傳考畧

按後漢書臧陳壽三國志華公本傳有漆葉青麩散漆葉屑一升青麩屑十四兩漆葉處所而有青麩生於豐沛彭城及朝歌後漢書章懷注引華公別傳曰青麩一名地節一名黃芝主理五藏益精氣字書無麩字相傳音女廉反然今人無識此者甚可恨愔士端按陳壽魏書作青麩說文麥部無麩字黍部黏相著也玉篇麥部麩俗麩字黍部黏相箸也女廉切玉篇多本說文或說文舊本有麩字然皆不詳爲藥草惟本草綱目黃精下云一名黃芝又萎蕤下云一名地節蘇頌圖經曰隋時羊公服法云黃精是芝草之精一名葳蕤陳藏器本草引陳壽魏志華

公木傳云青黏一名黃芝一名地節卽萎蕤和漆葉爲散主理
五臟益精氣去三尸蟲李時珍綱目曰蘇頌謂黃精卽萎蕤今
攷黃精萎蕤性味功同故青黏一名黃芝與黃精同名一名地
節與萎蕤同名則二物通用亦可又綱目漆葉下蘇頌引華公
傳亦同又引或云卽黃精之正葉者時珍曰椈葛洪抱朴子云
漆葉青黏凡藪之草也樊阿服之壽二百年是也又漢書云萍
藚甚酸魏志作蒜藚大酢椈北齊都邑師道興造象并古驗方
有雄黃沫大酢義例正同沫卽漆字段藉酢醕古今字皆兩漢
人最重經師家法本傳云游學徐土兼通數經舉孝廉不就公
亦漢世儒者蓋天生此神聖賢人旣使爲儒生曰通經術又使

爲良醫目濟世人又使爲忠臣外于奸雄之手目傳于後世天
之生神聖賢人豈有限量乎寶應最爾邑祀漢忠義祠廟者三
焉一關聖大帝廟一臧陳二烈士祠二烈士安宥產也一華真
君祠在東城灣地接畫川樓開縱權碧柳盈溪春雲覆苑都人
士女祈禱醫方藝辨香而繞闌觀流水以接軫范史云恥以醫
見業陳志云本作士人以醫自憐夫醫亦何恥且悔之有蓋以
不得已而醫曹操頭風且令常在左右以是恥且悔憤嫉素結
耳不然何千秋而後靈爽在天猶不憚活人無算耶觀其求還
不返卒爲操所害其大節與關聖辭操據陳壽志臧公拒索一也孔
子曰志士仁人斯皆不負矣

徐金鑑敬棐

更名孟文

古地名多轉語合聲

長安志卷第十一 萬年縣潏水今名沆沆一作沈水說文曰潏古穴

反水名在京兆杜陵漢書注晉灼曰潏音決師古曰地理志鄠

縣有潏水北過上林苑入渭而今之鄠縣則無此水畢氏云地

潏水潏當爲潏字之誤說文云潏水出扶風鄠縣北入渭是也

然唐本已誤爲潏師古有音北云縣無此水蓋承其誤矣士端

按長安志第十二長安縣下潏水來自鄠縣界北流入渭潏水

在縣南一十里東自萬年縣界流入據此則地理志所云鄠縣

有潏水其爲潏字之誤無疑水經注曰潏水自樊川西北經杜

潏潏聲之轉蓋由謂轉而潏又西北經下杜城其字或作水旁亢與沆

字相似俗人因名沆水畢氏云其字下十括地志曰潏水又名

石壁谷水

士端按石壁谷三字即潏字之合聲下十二卷又云

坑谷水

畢氏云坑即沆字之俗亦潏水也士端謂坑

谷亦滿之合聲石壁谷三字合聲坑谷爲
兩字合聲亦方音所謂疾徐輕重之別也

明一統志譌

明天順五年李賢等纂修一統志以漢臧陳二烈士列于淮安
人物傳士端校後漢書臧洪傳云廣陵射陽人也注云射陽故
城在今楚州安宜縣東是今之射陽聚卽射陽故城也在縣治
東六十里地多漢時古墓如孔子見老子畫象石闕前賢金石
諸書謂得之寶應射陽聚者卽此地也是安宜爲寶應舊治其
徵一也前漢書地理志廣陵國江都有江水祠渠水首受江北
至射陽入湖高郵平安士端校安宜縣前漢爲平安志云北後
漢書郡國志廣陵郡江都高郵平安士端校志於射陽下注引
射陽通亦隸吾邑先九江太守地道記有博支湖攷湖與
山帶閣集有贈湖上博支子歌据此射陽本屬安宜其徵二也

前明熊公尙文官整飭淮陽兵備特建專祠呂垓祀典碑云臧
陳皆寶應產也如繫淮安人決不於寶應立祠建碑大書篆刻
其徵三也乾隆七年程公國棟重修鹽城縣志云臧陳竝歐陽
澈俱非本縣人鄉賢祠祀典雖存之而不以入人物傳體例謹
嚴其徵四也汪容甫先生廣陵通典列射陽臧洪具爲信史又
云唐嗣聖元年十月楚州司馬李崇福率山陽安宜鹽城應敬
業按唐初三縣屬楚州章懷注稱楚州安宜其時去漢未遠舊
蹟不至譌繆縣志晉置廣陵郡射陽縣齊置陽平郡潁縣四安
宜縣屬焉魏置臨杜郡領縣二其一曰安平隋文
帝置安宜縣屬揚州煬帝時屬江都唐武德四年立倉州領安宜縣尋廢州以縣屬楚州又廣陵對云漢室
傾危董卓干紀其有區區郡吏義感邦君結盟討臯升壇慷慨

必外爲期則臧洪說張超起兵糾合牧守以誅賊臣也又荅錢少詹事云承問陳書宣帝太建五年六年十二年所云廣陵皆在今揚州府治之北四里漢之廣陵國隋之江陽縣也其徵五也宋秦觀揚州集序廣陵在二漢時嘗爲吳國江都國廣陵郡凡稱廣陵者皆今之揚州也其徵六也又按陳壽三國志列陳琳亦繫射陽人乃李賢於揚州人物傳稱琳爲廣陵人於淮安人物傳又稱琳爲射陽人一人重出兩傳錯見其紕繆概可想矣

跋漢延熹封龍山頌

碑爲吾友劉君楚楨宰元氏所掘得佩卿叔俛笑卿攷證詳審謹補其義云

按碑云虔恭明祀卽詩敬恭明神漢白石神君碑西嶽華山碑魯相置孔子卒史碑臬文選陸士衡江文通雜詩注皆作敬恭明祀詩釋文亦云或作明祀是陸氏所見毛詩猶有作明祀者愚以爲經文由古文而篆隸版本易譌石刻可據是漢讀明祀无疑碑易敬作虔者目上句云敬天之休避複字而變文也又第六行七牲法會下或書碑偶誤刻去數字提行再書亦它碑所罕見

祀與神𠄎偏旁形近而譌凡古書舛誤有因或𠄎形近或𠄎聲近阮氏鐘鼎款識列商伯申鼎申作𠄎又申鼎作𠄎反形母乙鼎已作𠄎周宗周鐘神作祀商兄癸卣祀作祀古書爛簡或脫其偏旁上下之形𠄎致祀字譌而爲神禮郊特牲所以交於且明之義也鄭注且當爲神篆字之誤王氏經義述聞云汗簡引古尙書神作𠄎古文四聲引崔希裕古神作𠄎集韻古神作𠄎脫去上半而爲且矣是其例詩鄭箋亦作神者後人據誤本經文而改箋以就經也

漢射陽石門畫象考

吾邑射陽多漢人古墓此其墓門之石刻也乾隆間始出土江都汪容甫先生移歸其家後四十年厥嗣喜孫字孟慈官戶部時士端計偕入都言於孟慈請將原石送還寶應今在城內東隅畫川書院振秀堂是石畫象正面中層下界筍簷上有人形趺坐者諸家皆未攷及士端案鄉射記云命弟子升設豐器氏三禮圖云豐作人形戴杆爲戒據此知古人燕飲必設豐器以示戒此卽豐侯之器也說文豐字下云一曰鄉飲酒有豐侯者是其證也

余別有洪氏顧煊平津讀碑記謂如今之佛座赤豐字考


身居其上者何其未之審邪下層列匡枕杯盃又圓器中爲疏

布文者當是古邁中之類所列鹿豕行竈等物武氏前石室畫象與此畧同又一石刻飛鳥獸首舞盾者乃是石之陰翁氏兩漢金石記分爲兩石云其高與濶稍殺之誤矣凡石闕本二此闕汪氏僅得一石其一石沈之水中遂失所在鄉俗呼爲伯夷伯齊墓疑卽沈水中之石或云曾見有畫顧夷齊象者土人不知而謠爲伯夷伯齊墓也又建鼓兩旁有二人執椎擊鼓其形今雖剝蝕尙可辨明惟豐器左右亦各有一人隱隱似侍立狀去豐步武較遠各在石之邊界人多置而不揚余嘗細審得之孫氏訪碑錄云在江蘇江都其時尚未送歸寶應也道光庚子冬日吾鄉同人有重修縣志之舉屬余考訂金石時於此畫象

多所疎漏茲棐是編復加詳審並系目圖云

漢射陽石門畫象正面

弟子



孔子



老子



按武氏前石室圖象
前正同古人燕飲
設豐器示戒也




程氏所謂建
鼓是也且氏
氏圖象證之
漢時法物有
同今意

按武氏前石室圖象
與此大畧相同



漢射陽石門畫象碑陰



往會邗上戴君彥生精于禮揚建鼓兩旁確有此二人執槌
無殊士端又按豐器左右尙有二人拱立兩旁陳氏禮書謂
建鼓位次在豐器禮云命弟子設豐則豐之左右有二人无
疑但漫漶已甚存形似而已增記圖後呂質大正

增張容園徵君觀漢射陽石門畫象詩并敘

按碑自汪容甫先生訪得後金石家各有攷證不贅述余
嚮臧搨本未見原碑辛酉仲春轉徙寶應幸獲觀之感而
賦此

江左貞珉漢代遭僅有灝水校官碑昨遭兵燹再三次未識
存亡遠系思厥後金陵天醴碣二段復爲祝融威打本弄滅

世所稀我迺鉤鍍板又沒惟茲畫象碑全完近出射陽之湖
灘諺傳墩背楚王墓石門倒臥枕波瀾一石沈埋一石起長
據慮僂尺倍徙上繪 宣聖向老聃竝肖主賓相見禮分書
三列各題名後執帛曰弟子侑哉冠山立衣楚楚望之儼然
敬心生中央荀虞彤憲約下卽魚羞亭鼎鑊碑雲飛鳥獸銜
環一人舞盾勢磅礴粵卽漢畫湖武梁濟甯石室扃祠堂帝
王聖畋古吏蹟刻畫書識榜分行鄱陽洪氏箸隸續縮埒梓
人數十幅泰室石闕孝堂山其餘圖詠不勝錄後獲此石兩
面鐫當補歐趙所未編惜非季月何从攷疑與五鳳相後先
述學先生眞嗜古昇至江都快先覩後來遂置安宜城却似

去珠還合浦同觀旁刻姓名標誰其書者安吳包慟哉多岐
道山路皆余舊用文字交諸子尙存延陵客笥蒙手贈拓以
墨別久何肯聯古歡重論吉金與樂石謂儀徵吳君廷慶我今辟地
居是邦賃廡言尋舉伯通訪求片石可與語聊且慰我窮途
窮

右詩既成就正於朱銓甫先生遂訂金石交因讀其碑圖
并攷於碑陽中層筍虞後審爲豐侯器形足補諸家所未
備爰綴數語以誌欽佩云上元張寶德并識於安宜寓舍

吳天發神讖碑攷畧

按俗稱三段碑七月字皆作𠂔此正古文段稽三國時猶用之
北齊道興造象并古驗方蜀漆作𠂔同此義例攷尚書大傳云
六律五聲八音七始著其素漢書律厯志引書七始詠史記夏
本紀作來始滑索隱謂古文作𠂔治忽今文作采政忽士端按
索隱誤也來采二文皆𠂔𠂔字爛簡而形相近之譌伏傳班志
用今文作七遷書雜用古文當作𠂔古文多段稽吳禪國山碑
四表作三据籀文儀禮覲禮疏引書三岳三海皆積畫是其證
裴駰集解引鄭本作𠂔愚謂來采𠂔治始皆形近來在滑𠂔聲
近晚出書作忽劉伯莊曰怠忽解之更不可究詰矣据此遷書

來爲茶之譌曰此碑證之益信

按碑自嘉慶年閒已燬損本甚希余在都中購求十年未得既

乃得于琉璃廠賈友曰溫明未本技之無異計其時伯英一本雪峯半本今秋遇容園云伊家有三本皆流落無存容園謂余此本千金不易矣碑有宋人胡宗師石豫顗名此外尙有嘉靖甲子耿定向顗名款是日南畿數行云云嚴氏江甯金石記未錄併記于此

荀子補義

非十二子篇眊眊然楊倞注眊眊未詳或曰眊與規同規規小見之貌士端按任氏小學鉤沈引集韻類篇引埤倉云眊眊視兒又易豐卦釋文古易音訓周易會通並引聲類云闕小視士端謂闕與眊通廣雅眊視也王氏疏證云眊與窺聲義相近也是其證又與嬰通方言嬰細也自關而西秦晉之間凡細而有容謂之嬰郭注嬰嬰小成貌戴氏疏證云說文嬰媿也讀若癸秦晉謂細爲嬰廣雅嬰小也義本此又王氏廣雅疏證云郭注方言嬰嬰小成貌嬰嬰猶規規也莊子秋水篇子乃規規然而求之以察索之以辯不亦小乎說文𦣻小頭𦣻𦣻也讀若規義

竝同也廣韵繻細繩也𦉰繻竝音姊宐反義亦同也

億億然楊注引陸法言云億心不力也士端按文字指歸云億拒心不欲爲也

墨子考畧

非攻篇往而誅之必使汝堪之畢注云文選注蘇文類聚皆引作戔此戔字之段音說文戔殺也爾雅堪勝也士端謂古凡從甚之字亦多從今孔書戔黎書傳及說文皆作戔說文糲古文作糲爾雅糲謂之泔冊府元龜戔定作龜定是其證

天志篇引太誓吾有命無廖僂務按此爲真古文太誓也孔書作罔憊其僂蓋變文以淺近出之非命篇上作無僂排漏非命篇中作毋僂其務士端謂排漏卽僂務之轉聲鼻字古音同自古音之灰微齊鼻魚虞模侯皆同部文異而音近也

經上止以久也畢注以同已按久字古音讀若几止字卽已久

二字之合聲

經上化徵易也經說上鼃買化也又化若鼃爲鶉按化易也買化也化卽古貨字古泉刀齊太公化泉史云貨古作化故以貨釋買與易也又云鼃化者此化字古音讀毀禾反譌或作訛鼃化音同買化義近兩事統以化字釋之爾雅廣雅正多此例讀貨讀譌同列歌部古亦多祇同聲也淮南齊俗訓云夫蝦蟇爲鶉生非其類唯聖人知其化按蝦蟇與鼃蓋方音疾徐輕重有不同又鼃卽蝦蟇二字之合聲又列子天瑞篇云若蠅爲鶉

董子詁經取聲同之例

按春秋繁露淡察名號篇名之爲言鳴與命也又名之爲言眞也古音列眞部號之爲言謫而效也古音列蕭部淡察王號之大意其中有五科皇科方科匡科黃科往科合此五科以一言謂之王王者皇也王者方也王者匡也王者黃也王者往也古音列陽部淡察君號之大意其中亦有五科元科原科權科溫科羣科合此五科以一言謂之君君者元也君者原也君者權也君者溫也君者羣也古音列眞部皆其例也

董子詁經以重言詁一言之例

按禮記鄉飲酒義春之爲言蠶也秋之爲言愁也繁露陽尊陰

卑篇云春之爲言猶僣僣也秋之爲言猶湫湫也僣僣者喜樂之貌也湫湫者憂悲之狀也春蠢秋愁皆取同聲爲訓僣僣湫湫亦取蠢愁二字聲同而重言之卽古人所謂疾徐輕重長短之例也

尙書大傳亦云春出也秋愁也其音正同

有瓜葛

蔡邕獨斷云凡與先帝先后有瓜葛者士端桡有瓜葛今世猶有此俗語錢少詹事恆言錄失引又後漢書引謝承書曰苟先帝有瓜葛之屬男女畢會

唐魏徵羣書治要引經多古義

尚書達四聽注云廣聽於四方也士端按今山東魚臺縣馬氏邦玉新獲漢昌邑縣殘石正作四聽又咎繇無若丹朱皋士端按說文作皋讀若傲嫚也從百從夆

詩邶風士端按毛詩作邶漢衡方碑云背人之凱風背邶邶聲俱同漢碑多据三家詩惟韓詩至唐尚存故魏徵引之蓋韓詩作邶

論語子曰我三人行必得我師焉士端按皇侃義疏皇梁唐石經三人行上皆有我字晁公武讀書志引孟蜀石經論語亦作我三人行是僞蜀尚依舊本

又晁公武讀書志引孟蜀石經論語舉一隅下而有而示之三字文選

西都賦注引論語子曰舉一隅而示之梁皇侃論語義疏同又
文選東征賦云訖于今而稱之注論語曰民到于今稱之稱或
祠爲

六帖引詩斷句合古讀法

六帖卷之十五引詩魚麗章作且多且有按經典釋文以君子有酒旨爲句且多爲句古音多祗同聲是多與旨爲韻又有旨有二韻同部君子有酒旨句且有句亦自爲韻如軌枕等字皆從九得聲是其證也

好溪

路史循蜚紀蜀山氏惡溪沸海此天地之所以限南徼也按今浙江處州府去城數十里有惡溪余過其地水甚平竊謂名不副實及閱處州志始知惡溪本惡自唐段成式爲太守多善政諸怪屏跡遂呼爲好溪噫賢吏之有關風化不小也

徐長卿

北齊都邑師道興造象記并治疾方中列急黃疸黃內黃等方云練樊石桂徐長卿各一兩王氏金石萃編曰徐長卿必是以人名爲藥名者如劉季奴史君子之類也士端按廣雅釋草篇云徐長卿鬼督郵也本草赤箭一名鬼督郵宏景曰赤箭亦是芝類天麻卽赤箭之根也唐本草鬼督郵又名獨搖草時珍曰此草獨莖而葉攢其端無風自動故曰鬼獨搖後人譌爲鬼督郵也獨督搖郵並疊韵雙聲之轉語也唐慎微證類本草云石下長卿味鹹平一名徐長卿生隴西池澤山谷又徐長卿一名別仙蹤楊氏丹鉛總錄云予往歲在大理與姜孟賓讀蕭子雲賦有長卿晚翠

蘭子秋紅之句長卿則徐長卿藥名是也

校山帶閣集

先大夫詩文集版已殘缺婁經補刻譌誤甚多從兄詠齋督學
浙江捐奉重槧命士端參校先大夫博極羣書兼通釋典孫月
峯書畫跋跋謂公用力刻澹無一字無來厯謹就家藏稿本又
於杭州書肆得明板初印悉心考訂疑者闕之 卷一不寐詩
云殷憂自不整中漫與心論按毛詩作隱韓詩作殷殷隱聲同
卷十九關車蕩詩云記得東林醉尊前又女華校說文蕪日精
也以秋華徐鍇云本草蕪卽九月黃花者也一名女華卷二十
三朱干草堂成寄舊游諸同志詩云太息驅馳事男歡豈盡輪
梭升菴外集鬼谷子引古語女愛不敵席男歡不盡輪注引戰

國策寵女不敝席寵臣不敝軒許仲瓊掇錄謂鬼谷子與張儀
蘇秦云女愛不終席男歡不畢輪近秦氏石研齋鬼谷子有脫
文又草堂詠懷詩云清池曾證阿羅漢落日猶懸窰堵波按慧
苑華嚴音義注依成實論中一釋謂斷惑盡故名阿羅漢窰堵
波置佛舍利處也又元應一切經音義窰堵波舊言藪斗波

國朝江以北不乏通儒寶應亦多治經之士若精學六藝六書
竝宗許鄭又攷證金石文字皆發明海人所未到者近如劉氏
楚楨卒後惟朱丈銓甫一人少受業於其從父武曹先生繼親
炙高鄧王氏父子學有鼎原著述等身繕錄待梓今年七十有
六猶手不釋卷洵巋然魯靈光也曩與余俞理初夫子陳雪峯
世丈共討論之二君嘗向余借其學因知其名廿餘年來恨未
一見今春轉徙斯邑徑謁席前盡讀其所撰之書獲益匪淺同
人妻勸鏤板惜其力未逮焉竊請將彊識編若干條先付剞劂
氏以永其傳屬加選訂余慙寡陋敬謝不敢膺勉任校字董工
以埒名簡末則幸甚矣是爲跋辛酉七月上元張寶德

右編中常棣之華通上節適道爲一章說與錢竹汀先生暗
合而皇侃義疏錢氏未引版已槩就姑存不刪因思前賢著
作繁多難自徧檢倘見解相同實非有意蹈襲也又漢射陽
孔子見老子畫象考張君容園博綜諸家爲畫象彙考一書
刻于邵伯均拙箸于後茲將拙箸原刻略爲刪節益昭確當
茲編所槩從容園剛本同治元年七月士瑞並識